

甘  
寧  
青  
史  
略

第  
四  
函

甘肅青史略正編卷之二十九

民國四年秋七月道尹周務學由玉樹勘界回省

先是民國二年川邊經略尹昌衡請以玉樹隆慶土司歸

隆慶者玉樹土司巴燕囊謙千戶之異稱也隆慶囊謙異名同地一音啟轉耳張炳華蜀人也與尹經略表同情而玉樹各族紛紛來甯請願不願歸蜀官慰陳康藏情形若以玉樹歸蜀藏衛侵略從此萌芽並云玉樹二十五族劃歸海管理初豐饒實青海菁華所在自前清雍乾時即將玉樹二十五族劃歸海管理其事不上聞比張廣建督甘麒又力陳始命道尹周務學為勘界大員務學助界之役深得民心事竣反命當局始洞察其隱乃斷然以玉樹二十五族之衆仍隸甘邊

甯海蒙番宣慰使馬麟命馬麟為玉防支隊司令駐結古寺

先是中央派道員周務學赴玉樹查勘地

界務學調查舊案主張公道請將玉樹番二十五族飭照前清舊例仍歸西甯管理並嚴飭川督及川邊鎮守使迅將駐紮結古稱多等處川兵全數撤退不准再有一騎闖入番地一面頒發佈告宣示德意以安番族以固邊圉事聞中央令准玉樹二十五族仍歸甘肅數年修輯一旦廓清是年中央命馬麒為甯道鎮守使兼蒙宣慰使籌設玉樹理事由西甯往結古寺沿途始設驛站著自西甯至結古共一千六百二十里自滄源以西全屬帳幕生活過日月山氣候迥變山頂皆沙質紅色所謂赤嶺者也通鑑開元二十一年丁

又圖藏

西金城公主請立碑於赤嶺以分唐與吐蕃之境從此赴玉長途通常由倒淌河濱而卡  
卜恰而窩遜而貢朵淖爾而切吉河口而切吉河腦而班禪玉而班禪玉池而札梭拉而  
羊腸溝而欽科奢馬而咱給奢有而禱高拉里色薄而馬拉有而黃河南岸而野馬灘而  
野牛溝而哇雲而插拉而休馬而詣他而咱曲河濱而竹節寺而喀耐而歐武而瓜拉而  
抵結古至是又命馬麟為玉防支隊司令率  
步騎數百駐兵設防與藏人通好信使往還

八月以徐金聲為菸酒總局局長

蘭州產水菸有兩種葉厚而微圓色深綠花簇簇紫  
莖端開作黃色名曰盡菸一種葉薄而微尖色碧綠

莖端另抽枝條開花作淡紅色名曰棉菸皆仲春下種仲夏分栽仲冬收採種者除一二  
木聽其開花收籽外餘皆摘去頂穗不使開花並去葉間旁枝使之聚力於葉故葉皆大  
尺餘而莖止高三尺至仲冬棉菸葉色深黃隨菸葉有黃綠二色綠者秋後連根拔起用  
苫覆蓋不令經霜雪故也棉菸每歲約出七八千擔銷路以四川為盛綠色菸俗名碧條  
每歲約出二萬餘擔銷路以江蘇為盛黃色菸每歲約出二三千擔銷路以廣東為盛每  
擔約重三百斤上下造法棉葉菸多取木色或雜以藍菸葉微用姜黃銀珠染作淡紫色  
黃色菸菸用姜黃染之碧條菸菸用紫蔡柳子染之皆以胡麻油加礬釀合成作偽者或  
攙以礬糜石即本草所稱為石膏者取其性涼且沉重壓秤故也而用油則棉菸最多用  
姜黃則黃色菸最多用石膏則碧條菸最多造成後售於富商大賈連之以往近因作偽  
日甚銷路亦稍滯矣燒酒則隴南徽縣獨擅其利而以蘭州為銷貨場應納出口及落地  
稅向歸蘭州道徵收改革後又歸財政廳菸酒為消耗品宜重稅以禁  
止之京津滬漢由政府派員收稅歸中央管轄甘肅至是亦仿照辦理

案皇朝通志煙草本名淡巴菝亦稱爲煙酒葉肥大至徑尺俞正雙吃煙事述煙草出於呂宋其地名曰淡巴姑明時山崗海達中國本草備要煙草一名相思草性德涼水亭雜識今所噉煙草孫先憲已言之載於太平廣記有僧曰世尊言山中有草燃煙噉之可以解倦初疑爲蘭州之水菸趙學敏本草綱目拾遺沈君士云水菸真者出蘭州又正韻菸音煙廣韻菸惡草甘人不名爲煙草而稱之曰菸藥性考菸味辛性溫蔡雲白謂蘭州種水菸其葉與此把葉相似與煙葉迥別亦指棉菸而言同州府志崇禎書序嚴禁有三其一蘭州之水菸百草鏡蘭州水菸可以醒酒沈君士云蘭州水菸食之性尤峻削齒痰消食開腸降氣惟虛寒者忌服亦解蛇蝎毒粵志云蘭州水菸以水注筒吸之令煙從水過云絕火毒然煙味亦減此皆指其功用而言惟張良字謂蘭州水菸以砒夾香油炒成故不能無毒此則傳聞之異辭耳

附錄海甯陳文貞公詠蘭州水菸五律四首其一云神農不及見博物幾曾聞似吐仙翁火初疑異味薰充腸無滓濁出口有氤氳妙趣偏相憶紫喉一朵雲其二云異種來西域流傳入漢家醉人無藉酒款客未輸茶莖合名承露囊應號辟邪閒來頻吐納攝衛比餐霞其三云細管通呼吸微噓一縷烟味從無味得情豈有情牽益氣懸朝霧清心却晝眠

誰知飲食外別有意中緣其四云清氣滌昏愁精華任咀含吸虛能化

實當苦有餘甘燭火寒能却長吁意似耐良宵人寂寞藉爾助高談

暮壽祺曰甘肅燒酒無出口者惟條於一宗在十五年以前每歲出口七萬餘擔稅收所獲六十餘萬元可謂極盛時代矣頃者道途梗塞海變遷津滬建東三省銷場無形停頓商民已不堪其苦而沿途新稅名目繁多當道偷不設法維持恐菸莊行將歇業甘肅又少一筆進款豈不令人可懼哉

九月旅京同鄉秦望瀾等為甘肅保存會館

北平彰義門內教子胡同有甘肅老館  
又有新館順治門大街有關中館清康

熙時甯夏趙良棟故宅捐歸陝甘公共地為眾人應存試者卜極之地爾時陝甘未分故名曰關中館有碑記可證且甘肅公車晉京時住老館者仍與關中館捐修理費八兩自

國體變更陝西人意存壘斷謂關中館與甘肅無涉秦望瀾等數十人向京師地方審判廳起訴判決關中館為陝甘兩省公共地

案漢之郡國邸唐之諸道進奏院此為外省與都城聯絡之機關亦即人民

活動力之所表現有請一代各省府縣在北平多置會館殆漢唐之遺意乎

各省通志均闕而不載惟江西諸志頗能注意於此甘肅距北平稍遠所有

老館新館皋蘭館關中館宜取法江西加繪圖以存其地址錄契據以證其

年代鈔法院覺書以期其為公共物庶無遺失之患矣

冬十月甯夏防軍統領馬鴻賓駐兵平羅防套匪

平羅與河套鄰民國元年冬哲布尊丹巴在庫倫獨立王德尼瑪即

響應於後套二年夏甯夏護軍使馬福祥以計擒王德尼瑪獻俘京師未幾有盧占魁者糾合漢蒙無賴照陸軍制編練偽革命軍自稱總司令以錦福趙承恩為之副錦福蒙古

人承恩即趙油篋子此三人者同心戮力嘯聚亡命購置槍枝縱橫於河套中匪黨稱盧  
爲虎威大將軍塞北獨招討時通電於廣東政府民人遇之羣稱爲獨立隊爲獨立隊第  
一標第一營營長曰二長條有槍一百三十枝二營營長曰巴銀山蒙古有槍一百二十  
五枝三營營長曰李得勝有槍一百零一枝四營營長曰崔寬有槍一百五十二枝五營  
營長曰大泡子有槍一百二十三枝以上五營孟占元統之爲盧占勳基本軍第二標第  
一營營長曰郭老大有槍一百二十三枝二營營長曰銀錢子有槍一百一十四枝三營  
營長曰馬占元有槍一百零七枝以上三營喜陴子統之歸副司令錦福調遣第三標第  
一營營長曰弓占元即蒙占元有槍八十二枝二營營長曰白得勝有槍九十九枝三營  
營長曰曾大旗有槍一百二十枝以上三營崔永勝統之歸副司令趙油篋子調遣第四  
標第一營營長曰趙三有槍八十一枝二營營長曰耳記察哈爾蒙古有槍一百零九枝  
三營營長曰阿的雅達額特蒙古有槍五十三枝以上三營楊金山統之此外又有蒙古  
第一營其營長曰朝勒孟伊克昭盟有槍一百五十枝第二營其營長曰色三伊克昭盟  
有槍一百一十六枝第三營其營長曰達賴公關東蒙古有槍一百七十枝此三營者其  
統領曰白彥公上年響應庫倫與王德尼瑪一致行動共計匪首二十二名正兵三千四  
百餘名蓋皆以二百人爲一營不及陸軍定額之一半其槍械一千九百五十一枝執中  
以白彥公所部槍枝爲最利係由庫倫接濟而來所稱爲水連珠者也其馬匹則取諸漢  
番其旗幟則開以紅黃等色其營規則以不擾民爲宗旨所至之處與民間通慶弔以故  
糧秣尙不爲難盧占魁又用籠絡手段與所部同甘苦人願爲之犧牲綏遠各軍當之輒  
避馳騁沙漠往來自如福祥聞之曰盧匪豈能死守沙漠一旦侵我腹地平羅其首衝也  
正在籌畫間據伊克昭盟盟長鄂爾多斯左翼中旗郡王旗副監長鄂爾多斯左翼後旗

達拉特左翼前旗準噶爾右翼中旗鄂托克右翼後旗杭錦旗右翼前旗烏審旗扎

左翼前旗薩克兩請甯夏救援乃令鴻賓率兵駐紮平羅以防北竄並相機進剿

案平羅唐晉州宋定州地清初改平羅衛為縣治矣雍正四年又設新渠寶豐二縣後裁

新渠併入平羅其地近名查漢托護寶豐漢方渠宋定州地旋為西夏所據築省東城於

此清初設縣即在省東城西甯夏府北河側之灘也土地膏腴舊未開墾康熙三十六年

套夷渡河而南四十八年鎮臣始令徙出建縣曰寶豐後設平羅縣丞以寶豐縣改併今

裁併平羅縣設其偏員遼關密邇蒙

疆過登口而三聖公即入河套

募壽祺曰盧占魁善用騎兵惟橋枝廠乏與甯軍戰其敗也宜哉然後之號稱師長者僅

索餉需均照萬二千五百人起算及察其人數不過一部道德經耳未幾師長升軍長矣

而人數未之增也今則愈趨愈下一團部組織槍不滿百枝餘皆赤手空拳

偷所謂白戰不須持寸鐵者耶占魁生今之世當與正式軍隊並駕齊驅矣

### 十二月以檢任職馬振寰為甘肅吏治研究所

辦時第二屆試驗及格知事分發來甘與隴人之服官外省

回蘭候差者督軍張廣建設吏治研究所以容納之專研究甘肅邊防實業能見諸實行

者分數滿百即委缺當是時有所謂政客者見人大權在手足以生死人而肉白骨於是

曲意逢迎製造空氣纖利小才輻湊附之廣建以此輩

即四公子門客之流允許入所肄業與知事同等

幕壽祺曰民國四年正月平涼鎮署兵變二月環縣張九才作亂論者猶以

近之喪氣  
不得其死  
甘肅之青年  
一國之青年  
一時也

小桃源解六月後京師籌安會發生甘居邊遠隨聲附和於是河州馬安良代表回族拉卜楞寺嘉木樣代表蒙番以及旅京甘肅同鄉紛紛上勸進表蚩蚩者氓以爲天下從此可以長治久安矣夫治而不求其所以治安而不求其所以安無端取消誓詞製造民意滇南獨立警報飛來洪憲未及改元而八十三日皇帝夢從此醒矣

丙辰

五年春二月以吳攀桂爲新建左軍統領

攀桂准軍宿將隸前十誠部民國初在山東統警衛軍張廣建撫魯時深知其

爲人及督甘豫匪擾隴南屢電項城總統請飭令攀桂即率所部馳赴金城以資防禦攀桂於民國三年九月至蘭州駐東郊外十里許之拱星墩久之無所小事上言於督軍曰

克敵甯亂非兵不濟擲髮縛苜非練不可請將內部改編陸軍廣建以籌餉維艱且恐巡防營援爲口實以待來年然後議至是始令攀桂編制新建左軍第一路統帶衛從利營

長王繼曾第二路統帶施德華營長卅蘭芳第三路統帶劉朝徵營長劉朝樂統帶均兼帶一營共二千五百一十七名中下級軍官長均在內再一切與右軍同吳統領兼帶騎

兵營明年九月又令吳桐仁編制新建右軍共七大營三統領三營長統領吳桐仁兼帶一營駐紫狄道城外大營盤照陸軍編制餉項亦照陸軍章程撥隊十四人一棚餘十二



人一棚四季軍衣及醫藥  
柴火價均山公家發

案空同子

慶陽李夢陽之別號

之論曰北之士厚故其人鼻隆南之水廣故其人性巧

近人之言曰北之山多故其人力強南之地狹故其人力單北方風氣剛勁

南方風氣柔弱南軍不宜西北蓋自古為然矣漢李陵

李廣孫今天水縣人

以丹陽騎

士五千人教戰於酒泉

即故肅州

後為匈奴所敗孫堅率江東子弟擊叛羌邊章

至葵園峽

在皋蘭縣東俗稱響水子

卒無功而還明大將軍徐達帥淮北健兒益以開國

諸名將定一戰元將王保保大敗僅以身免張廣建督甘時擬

願為兵者照北洋兵制編練使居西北高寒地斬成勁旅而懾羣夷惜為時

間所限吳攀桂所統山東之人多吳純仁所桐河南之人多

幕壽祺曰張廣建持節西來揆文奮武八載勞心和衆豐財九年蓄足養衆

則抒誠效順戎機則防患無形編新建軍置甯定縣縹緲未雨遐邇聞風其  
意氣可謂壯哉是以海水有時飛空而河源之觴不溢帑金有時告竭而積  
石之沙仍流議者比朱輔綏一百餘國鳥鼠銷聲郭所領五十七番盡沙滅  
迹樹滋偉績甯讓古人惟所用盡屬南陽僅遺聲豈平西域欲波澄魚海勇  
醫燕城豈偶然哉

### 三月巡按使張廣建請劃青海為特別區域

西甯逼近青海青海即卑禾海蒙古謂之苦若諾爾在西甯之西其地周圍千

里其鹽青其魚黃中有海心山山有寺喇嘛居焉其南通松潘茂州東則西甯河西達  
西城哈密金山烏斯藏尤近也其北則熱水山祁連山祁連之南則肅甘莊浪矣環海之  
地廣野瀾漫西北一隅尤屬沙磧其他處則百川之所匯也豐草之所生也華嶽之所通  
也明初置四衛於沿海以為外藩故河張莊涼得寺以無恙獨衛之廢則亦不刺為之亦  
不刺敗而藏王額實據之今之蔓延於青海間者皆其後裔也惟和碩特部蒙古二十九  
旗地方而不相聯絡力弱而不能扼束羌番當此強隣同內地多事之秋青海孤懸天末  
若非另起爐竈恐不足以固吾圉而靖寇氛廣建統籌全副防亂未萌呈稱西甯一隅河  
滄環帶山峽紆迴據蘭靖延甯之上游當肅甘涼莊之左腋唐宋以來西陲有事恆視西

甯為安危而青海尤為重要漢回土番雜處其中蒙古部落僅能自守王樹囊謙等處一朝有警西甯鎮道相隔甚遙雖鞭之長不及馬腹應仿照綏遠察哈爾例劃為特別區域將海東道移駐玉樹辦理交涉鎮守使駐紮西甯經營青海邊民實邊募兵屯田以及其他說明書調查確實計畫周密原文約二萬餘言均可見諸實行

夏四月套匪寇占魁襲甯夏昭武軍分統馬鴻逵與戰於天池子敗之先是四年冬甯

夏防軍統領馬鴻賓與套匪首領弓占元戰於科布爾斃匪數百甯軍駐紮五原五原縣名俗稱隆興昌地居河套之中東連薩縣包頭鎮西近甯夏平羅界是年正月初二匪首金占魁糾合蒙匪白彥公等襲五原鴻賓與戰於西山嘴匪不支紛紛如鳥獸散同時盧占魁襲包頭鎮行至公胡加地方為馬福祥所敗福祥至五原奉令與綏遠都統蕭良臣會勦盧匪以甯軍精銳多在五原後防兵力空虛乘間窺我甯夏鴻逵擊却之

西甯抽番子草頭稅此番子貢獻之變相也歲收三十餘萬兩解交蒙番官慰使行署

蓋番旗曰或謂百貨有稅不聞以草頭名豈知立憲國家人人有納稅之義務環青海而居者皆番也番非人民也乎哉當此國體更新邊防吃緊番族既為青海之主人翁使公僕榜腹從事而不為之補助於心安乎故歲收數十萬金亦出於不得已也今世界文明國家有抽血稅者矣草頭稅又何論哉

盧占魁犯吳忠堡馬鴻賓追至大寨子斬其鄉導金占全盧匪自天池子敗後往橫城希圖渡河比至無

毋可渡欲回後套金占李曰此去靈武金積不遠司令統漢番之衆以此攻城何城不摧  
盧匪曰吾亦欲東耳奈道路不熟金占李請爲嚮導遂由葉昇堡渡河甫至吳忠堡鴻賓  
已追及盧匪聞槍聲下令曰官軍來矣速向靈武進行時吳堡附近支渠周匝官道狹  
小馬不得馳人亦遲遲其行至六寨子距靈武城十里盧匪先行金占魁被擒鴻賓合衆  
首示

暮毒誤曰盧占魁盤據河套漸染夷風淺草平沙千里在日狼山黃河外水不成谷土不  
成邱馬肥人輕往來電馳固非甯軍之所長也及渡河而東至靈武所屬草水蒼鬱渠堰  
縱橫狹路陡逢駭浪時起行人至此疑慮鐵騎不能馳騁甯軍徒手相搏短兵搏戰此  
套匪之所以敗而金占李之首已懸於藁街矣嗚呼我所長彼所短地利顧不重哉

### 五月宗社黨呂光據貴德

初有僞忠順公呂光者宗社黨也假皇太子之名號召夏河一帶初被擊潰嗣後遁跡保安竟於是年夏曠秦番衆流亡

數千潛據貴德勢甚猖獗時中原多故國體中更異說紛起戴漪亡命草地與宗社黨陰爲結納僞檄流播搖動日深

### 六月甘肅減少各鎮騎兵

青海洮州產馬各鎮守使招募騎兵以爲陷陣衝鋒之用月支馬乾兵餉比步兵加倍督軍陸洪濤研究新軍事學以近

世槍礮日精臨陣者以俯伏擡進爲避擊之術騎兵人馬相依占地愈多且高遂爲衆槍之的一遇勦敵不惟難於取勝或反足爲累至是議減十分之二所裁餉銀存督署軍需

處以備編練甘肅陸軍之用

慕壽祺曰甘肅在戈矛時代漢之匈奴唐之吐蕃宋之西夏明之套虜海寇猥擾邊疆往往以騎兵制勝官軍與之戰氣與力兩不相敵其敗也宜哉自西洋火器入中國雖項羽之勇烏獲之力養由基之善射一快槍殺之有餘矣非惟中國為然也蒙古之騎兵亦歸無用最近玉樹之戰歲兵或兩人乘一馬或挾鳥槍駕駱駝其目標不更顯哉

### 各道舉行縣試

先是項城總統主張考試制度有縣試有道試縣試由各道區考之道試由巡按使考之甘肅按州各道尹駐在所由省城委員前往會同道尹分

場局試其裏校官由道尹聘任之

### 秋八月前自治籌備處處長張世英卒

世英字育生秦州人也前清之末任渭南縣舉辦新政有聲於時其為政大略在治教合

一教則本身作則自闔門妻妾子女侍婢惟之幕友丁僕書差監犯廝養皆令崇拜至聖讀書習禮並為聘請專師署內日課署外事多隔日課之闔縣設高小學校二百餘處實傳所一百餘處公暇或以事至別考其功課且為之講演焉治則以鄉職為本村必有長合數村為社社有長數社為里里有正以達於縣而委以息訟防盜積貧勸學各事層層相維故民隱易達官有命令一二日全縣即可傳知息訟之法除命盜大案外凡戶婚田十爭執先投村長處息不服再投社社長又不服再投里正仍不服然後准持條呈控防盜之法令每村按戶編牌甲就祠廟公房為守夜所每夜輪派二三人執持號簽樓巡互換時又親自稽察以簽上之號數為傳遞之實驗遇有盜警鳴鑼或擊鐘為號各村聞聲於要路持械伺截積倉之法無論村大小官捐斗粟為用令各戶每年按戶存儲本村以備荒歉數年村倉成立者共七百餘處麥積至一萬五千餘石勸學之法村設一校小

則合數村爲之捐集基本金爲學費子弟滿七歲皆令入校校均附設官講所遇朔望日  
教員官講令村社長率村衆聽之縣中又派官講員時來提倡世英嘗言鄉民有訟控縣  
求理就令得直費已不貲不如鄉鄰處息之爲愈民各有家不能防守俟被盜然後報縣  
獲盜十不一二何如輸流看守不被盜之爲愈豐年不知積儲一遇荒年求官賑濟官力  
有幾能濟幾何何如豫爲儲備民積民川之爲愈子弟不受教育少壯不聞善言至流爲  
匪類貽害鄉里河如早令入學陶鑄感化之爲愈平生學問以誠實不欺爲主修身制行  
接物處事內外如一實稟既厚精力兼人每作一事貫澈終始不少變更凡治教各端施  
行之始衆皆疑沮非議世英推之以直誠持之以毅力接之以禮說諭之以苦口故能卓  
著成效宣統二年前總督長庚奏調回甘襄辦自治世英請以治陝者治甘先從秦州試  
辦正在籌畫間適武漢起義事遂中止民國元年秋世英進省清理財政嘗論理財之道  
開源當先節流外債屢蒙政費支絀不急樽節將屆破產當減兵額減機關減人員減薪  
俸整理新舊稅項嚴杜中飽議裁陋規使歲入多於歲出願以無地方之權不能操縱自  
如州縣官積習相沿多不明其用意又以其改革陋規私化爲公有權官囊之入息之後  
卒排擠以去是年八月十四卒於天水里弟陝人懷德感遇用率爲位而哭在三原則哭  
奠於清麓正誼書院在臨潼則哭奠於鐵鑪志幸園在興平則哭奠於莊顏愛日堂在清  
南則哭奠於依依亭在西安則哭奠於甘肅會館在甘肅則哭奠於蘭州左公祠擬以明  
年正月葬天塋  
山之劉家塢

巨國柱執育生先生詩其一云墜緒綿關學民胞物與心詩當鳴國史人待傳儒林廿載  
循良頌一編親感吟更饒廣長舌休謂少知音其二云郡縣官聲好晚晴兒亦佳每持堅

忍力能轉命時希桑梓衰年事叮咛自治懷請將幽雅意耕耨植仁荻其三云祖庭有明訓聞見錄新編續述孫能嗣身心業已傳柏崖慈老教龜徑尋小泉未踐斯人約終成抱

天恨

葛壽山育生先生殆所謂淡泊明志者歟然地方有人事當道造孽訪詢又未嘗不披肝瀆膽以告也故能旋慶桑梓無論識與不識聞其名皆肅然起敬著鄉党無間言矣民國三年春狼匪入秦州縣知事聞寇至先去而不知所往糧秣倉卒未籌賊挨戶搜索人民惶急異常乃乞先生出辦供支此其不得已之苦衷當為閩人所共諒賊退又從而謀孽之謂狼匪進城時先生首插白羽開門迎降寇乎哉及先牛殛而秦州有利於民之事無人主持矣

### 九月甯海軍統帶馬海潮率兵討呂光擒之貴德平

光占貴德後北特大河南倚羣山將久據以抗復煽惑

務番族甯海鎮守使馬麒令其叔海潮率兵討之時海潮年已七旬矣或以其年老恐未易成功也海潮聞之曰吾雖老叩囊底智足以平之夫不留此賊以禍邊疆也已而貴德

平呂光就擒解之西甯處以陞刊

案秦安舊志呂光略陽氏人光生夜有神光因名自重瞳肘有肉印十歲遊戲畫為戰陣諸兒咸推為主部分之光沉毅癡重寬簡有大量喜怒不形於色王猛見而異之曰此非常人舉賢良除美陽令夷夏愛服遷虜揚將軍從王猛征討威名大著遷步兵校尉苻堅關西域授光使持節都督帥衆七萬以討西域所經諸國無不降附光至龜茲王帛純拒

之光左臂脈起成文曰巨霸營外夜有黑龍之祥光喜進攻龜茲城西城諸胡救者七十餘萬人皆使弓馬善矛鎗如蓬鏢射不可入光乃結爲勾鑲之陣戰於城西大破之帛純逃去王侯降者十餘國光入其城諸胡貢款屬路光撫甯西域威恩甚著築貽胡王昔所未賓者不遠萬里皆來歸附龜茲既平光有留志鳩摩羅什勸之東還至姑臧涼州刺史梁熙拒光執而殺之因自署護羌校尉涼州刺史聞苻堅被害光奮怒哀號三軍皆縞素乃自稱使持節大都督大將軍涼州牧酒泉公時麟見金澤縣光以爲瑞乃僭稱三河王建號麟嘉遣使朝貢署官自丞郎已下猶攝州皇始初僭稱天王置百官僭立十年年六十一卒

慕壽祺曰宗社黨之未嘗無人也以腹地稽察嚴不遠數千里至貴德謀舉大事乃託名呂光將所謂殷之頑民者非耶夫前清二百年來待八旗爲極厚八旗之稱世家者今或棄其故主更求仕皇皇焉以全軀保妻子爲得計誰復知宗社之淪亡而所謂呂光者敢逆天命至於糜爛其軀而莫知其真姓氏其心亦良苦矣身敗被擒准以新法律豈非政治犯哉

冬十月省議會恢復  
自項城葬法復活除召集國會外  
所有第一屆各省省議會一律恢復

新建左軍練大刀隊  
左軍統領吳攀桂所購槍枝俱德國造爲甘肅省內外各軍所無  
而攀桂總總過慮謂一旦有事雖有快槍無所用之乃令兵士練

習大刀以備短兵相接時迎刃  
而解使敵兵措手不及人不信



吳松山嘗言曰  
重賈治民常使  
之勞不勞則逸  
逸則不方吾帶  
新上左軍合兵  
士打頭練跑  
步打頭練跑  
刀打頭練跑  
也刀打頭練跑

張廣德初來甘  
肅亦用人肥人  
此亦用人肥人  
而亦用人肥人  
近亦用人肥人  
主亦用人肥人  
事亦用人肥人

幕壽祺曰伏羲氏沒黃帝代神農治天下始以金作兵兵之中有刀焉觀其

梟蚩尤之首可知其利矣自西洋火器發明後刀槍遂為無用然甘軍素善

用刀最近河州之戰定西之戰於短兵相接時及鋒而試殺人如麻則未嘗

不歸功於大刀隊也夫赤手可以縛蛟龍制挺可以撻秦楚况刀之功效更

多乎所患者練之不精耳

### 十一月財政廳抽收鐵橋捐

橋修自清末募巡警以指揮覓水夫以救濟是為經常費每屆三年換板一次約需洋一千餘元是為特別費向

皆取諸公家新任財廳備多壽以款奇絀擬收橋捐所有大小車輛往來驟馬納資擊票驗而放行巡按使准如所請

### 十二月設甘肅課吏館

先是民國元年甘軍因協餉斷絕飢軍林立前布政使何奏疏照縣缺之高下定報効之銀數榜諸通衢擇肥而噬賂賄公行

不殊市道量職求直為財擇官瘠官曠職病吾民多矣二年護理都督張炳華禁止報効擬設課吏官以警貪墨厲賢能以庫帑空虛事中止四年國務總理徐世昌訓第四屆試

驗及格縣知事略謂寰海棣通列強環伺舉一切盛衰強弱之機胥繫於地方政治為牧令者必具大同之智識應時勢之要求是在熟權現勢博采羣長事必盡心以求一當焉

人亦惟據是者  
得之晚張亦  
日漸推張亦  
窮於難付乃改  
吏治研究所為  
治法向之所試  
合於與前清  
州縣始有挂  
牌之希與

耳其事維何知民艱之不可不體念也則嚴緝捕以綏踐之於是乎盡心巡警而從前之  
藉口招兵加捐斂費託詞緝案振盜尋讎在在之足以爲民害者別之如蠶賊焉知民瘼  
之不可不勤求也則明審判以矜恤之於是乎盡心司法而從前之片體陳詞經年拖累  
一大涉訟比會牽連在在之足爲民累者振之如瘡贅焉知民智之不可不驅迪也則廣  
學校以造就之於是乎盡心教育而從前之校舍鋪張虛糜鉅帑生徒寥落控報多人在  
在之足以爲民害者去之如狼莠焉知民生之不可不早殖也則重農而以招徠之於是  
乎盡心實業而從前之神皋沃壤坐視汗萊帶關通關時開折墮在在之足以爲民病者  
振之如痿痺焉之敷者皆圖治之要端督軍兼民政長張廣建常舉此以訓官吏無如言  
者諱諱聽者藐藐蓋自法令滋而吏治墮巧宦者詭民換不問徒以簿書筐篋趨走承應  
之技博上官歡真盡心民事者或以爲見好於民而媚疾者流遂從而謀孽其短嗟呼時  
勢至此尙堪言哉甘肅吏治幾無澄  
清之一日此錄吏館之急於成立也

案虞廷之三載考績周官之六計上廉所以獎人材清仕路也三代以後吏法得人之盛  
莫如兩漢陳立守天水勸農桑爲天下最張奐守武威風俗遂改民爲立生嗣漢以後則  
古意寢失明洪武八年勅中書令有司考課必備農桑學校之績平遠縣主簿成樂考績  
州上其考曰恢辦商稅上曰主簿之職在佐理縣政撫安百姓豈以恢辦爲能州之考非  
是日照縣馬亮考滿入州州上其考曰無課農興學之績長於督運上曰農桑衣食之本  
學校風化之原不知務此而曰長於督運是棄本而務末也其賦職官降黜之使有所懲  
今之能吏大抵皆恢辦商稅長於督運者也又自行政兼理司法地方官吏獨斷獨行肆  
意苛求審慎從事者鮮矣名爲獨立裁判而受上官之意旨崎嶇重者如故也名爲停

止刑訊而血肉鼓吹以刑求供者如故也名為按律定讞而金錢及情面之請託故出故入者仍如故也最可異者美其名為四段三審而人民之下訴及上告案件多以情面關係雖法律事實之極端錯誤不肯平反苟且因循模糊定讞致人民含冤莫伸受苦無告是司法之各種機關不能為人民謀幸福反足為社會滋紛擾

又前清各縣知事以土地之狀況事務之繁簡其官缺有差等曰要缺曰中缺曰簡缺是也故同一道府州縣依其要缺與否養廉及其他之收入各有差等又當受任命之資格者亦有差等甘肅毗連蒙藏鄰近新疆沿邊州縣任用匪人往往貽誤邊疆輕開兵燹大部異常慎重部選知縣到甘者多簡缺中缺如武威等縣須凡曾任實缺人員

就官後經若干年才具優長眾口皆碑始得升任四字缺四字缺者衝繁疲難之謂也以遞降至於一字不備者無字缺也衝者謂四通八達之要區內外各地官商必當經過之地也繁者謂官廳事務繁劇之地也疲者疲勞之義惟自官廳之事務與其他之事情覺其勞苦之甚之地也難者謂民治上最困難之地也今以初到省人員遞任四字要缺

譬如強賊者而行萬里盲人而辨五色殆亦難矣非考績其何以拔真才杜躁進  
民國初縣知事來甘稟到者試驗及格之員居多大吏以書生記誦而不知治理文士浮華而無實用雖經試驗而老生常談施之於邊疆殊不合事宜躁進者流又以構扇異同

非毀執政於是乎課吏之能設焉夫吏治固貴乎考覈而考覈須出以大公否則陽城刺道州治民如治家時反以催科政拙而下其考何易於視事三年獄無冤囚時反以在官無異稱而中下其考則考課徒為具文矣甚至考課之中政以賄成縱虎狼於城市而禁其不職人天下有是理乎

集壽祺曰民國五年春項城因慾望可償目的可達遂稱洪憲帝制顧盼自雄專恣妄爲而國民之憤亦已洋溢於內外於是蔡鐸攻川陳宦請項城取消帝制套匪盧占魁利用時機假推表名義自稱革命軍通電各省未幾竊甯夏走靈武賴甯軍擊却之而宗社黨呂光又據西甯貴德蒙番各族大爲搖惑不久亦消滅矣

丁巳

六年春二月西甯創辦蒙番學校

先是馬麒任爲甘邊甯海鎮守使告所部軍官佐曰國基初定華戎維屏當安重以鎮之不宜徒自

驚擾力誠卽定邊境謐甯歷年積案皆阿錯和及循化驪榜之紛糾皆以次排釋宗社黨人謂貴德平後亦皆聞風遠走於是舉蒙番各族思有以化之之法厥惟學校蓋蒙番遊牧爲業習俗相沿於山則仰日月之高於水則見青海之大於文字則守唐古忒之舊於宗教則信宗喀巴之靈其飲食則酪漿羊肉以爲饗食其居住則毳帳氈房以避風雨榛榛狉狉混沌未鑿三皇何父之子五帝誰母所生且不之知又何論乎新文化譬彼漆室坏之扇之無一隙之光譬彼夜行顛之扑之無徑寸之珠雖曰古風良可鄙矣偷不加以教育一任泰西強國割削之攘奪之夷滅之恐青海一隅終非民國有矣麒乃召集蒙番各首領告以故蒙番極表同情卽於西甯城內開校授課蒙者破之陋者文之闕者

通之野者撥之化草味為文明與漢族相類頑此固當務之急也或曰唐貞元初韋奉為劍南四川節度使擇羣蠻子弟遷於錦城使習書算業就輒去復以他繼如此垂五十年

故羣蠻皆能習知巴蜀土風山川要害至文宗太和三年十一月雲南蠻陷嵩邛二州十二月庚戌陷成都蒙番性質與南蠻等宜用愚民政策不聽

慕壽祺曰甘肅對於邊界戎狄非不講撫綏之方然非施以羈縻即或等諸撤棄有如西人每得新地務為教導以啓其民智者誰乎蒙番頑難化而生民之初萬物權與與

玄黃同剖判者其圓頂方趾之民乎蒙番皆國民也民質也有因民之質而文之者則曰聖賢民萌也有因民之萌而達之者則曰官吏二者以民庸民以民衛民非愚民而為己

所用者也昔王守仁講龍場日講倫學以教苗人及召還苗人立生祠以祠之苗民可教蒙番獨不可以教乎

### 甘肅創設測繪學校

測繪之學近而益精蘭州市所售各種新地圖得見古人之目所未見聞古人之耳所未聞吾儕何幸而生當此際惟甘肅七十餘

縣城池之方而疆界之插花山嶺之紛歧河道之縱橫程途之迂曲蒙番之移徙斗極星躔之伏見炎天雪地之往來驗以天文徵諸物產經過測量手續繪成詳細輿圖寂然未

有所聞將軍張廣建呈明陸軍部以甘肅陸軍小學校地址改為測繪學校專繪各縣地圖以作軍事上之預備並令外鎮軍界長官督率將佐加意講求由分而合由近而遠他

日斟酌盡善測算益精庶成竹在胸人才亦當輩出矣

慕壽祺曰禹貢一書開宗明義大書特書曰禹敷土隨山刊木是為後世測量之祖今之言格致者其學必精於測量而陸軍之繪圖為尤重余見甘肅之軍官矣又嘗聞開發西

明崇禎時陝甘  
有鳥大如鳩每  
足千百成羣每  
落處不旬日洗  
寇李自成即至

北之論調矣及問真山川道途距離之遠近皆不省猶謂然號於衆曰大豪孽無他得人心而已此孟子所謂遁辭也頃者豫匪竄隴南甘軍擄有大礮發而不中則測量之學未精也又何論乎輿圖然則測繪學校之設可須臾緩哉

### 酒泉沙雞飛

鷄俗名沙雞關內小常見見則主災

案爾雅 鳩寇雉郭注以大如鷄似雌雉鼠脚無後距歧尾羣飛出北方沙漠地博物生關西本草綱目突厥雀一名 鳩一名寇雉李時珍曰唐書高宗時突厥犯塞有鳴

羣飛入塞邊人驚曰此鳥一名突厥雀南飛則突厥必入寇已而果然肅慎志沙雞鳥身鼠爪

### 民政廳附設天足總會

中國自唐宋以還婦女裹足之風偏於天下亦獨西人之好細腰也前清順治時嚴行禁止無如積重難返相沿二百餘年至

光緒甲午戰後論者謂中國之弱由男子多吸煙女子裹足騰笑鄰國載諸報章散魯伊斯博覽會內列上海裝小脚婦人一甯波裝小脚病婦一北京裝廣東裝小脚婦各一皆以紙爲之高四尺有五寸東南士大夫深以爲恥由社會發起夫足會一倡百和如草從風甘肅別一乾地毫無覺悟除西甯一道洮岷兩縣漢番雜居不裹足者尙居多數外其餘六十餘縣女子四五歲即加束縛扶牆抹壁有如廢人血脈不能流行種族因以衰弱不及格者擇婿頗難或曰似此丰姿殊嫌土重於是作偽之風起賈高底之聲洋溢乎蘭州市矣若不嚴禁縛足其害恐無底止至是民政廳成立天足總會通令外縣一律遵照辦理

附紀漢桓帝懿獻梁皇后

隴東大族

被選及六禮册立事

弓足原始亦於是乎見

建和元年

桓帝年號

四月丁亥保林吳姁以內成詔書下中常侍超曰朕聞河州

窈窕明辟思服擇賢作國隆代所先故大將軍乘氏忠侯商所遺少女有貞

靜之德流聞禁掖其與 並詣商第周視動止審悉幽隱其毋諱匿朕將採

焉 卽與超以詔書趨詣第第內譟課食時商女女瑩從中閣細步到寢

與超如詔書周視動止俱合法相超留外舍 以詔書如瑩燕處屏斥接待

閉中閣子時日晷薄辰穿照蜃窗光透著瑩面上如朝霞和雪豔射不能正

視目波澄鮮眉嫵連卷朱口皓齒修耳懸鼻輔鬢頤頰位置均適 尋脫瑩

步搖伸髻度髮如黝糝可鑿圍手八盤墜地加半握已乞緩私小結束瑩面

發頰抵欄 告瑩曰官家重禮借見朽落緩此結束當加鞠翟耳瑩泣數行

引... 甘... 婦... 以... 之... 足... 所... 時... 已... 有... 之... 者... 也... 其... 後... 亦... 也...

婦人形相博  
知於足金  
起以行其上  
冠其冠其冠  
耳少生髮人  
口少生髮人  
然石生髮人  
香爲生髮人  
步之無生髮  
蕭得云生髮  
楚王家宮人  
玉通史云生  
其云云長生  
通利則長生  
之風向來已久  
東漢時之真足  
已曾慎成自然  
矣

下閉目轉面內向 爲手緩捧著日光芳氣噴襲肌理膩潔拊不留手規前

方後築脂刻玉胸乳菽發臍容半寸許珠私處墳起爲展兩股陰溝淫丹火

齊欲吐此守禮謹數處女也約略榮體血足榮膚膚足飾肉肉足冒骨長短

合度自顛至底長七尺一寸肩廣一尺六寸臂視肩廣減三寸自肩至指長

各二尺七寸指去掌四寸肖十竹萌削也髀至足長三尺二寸足長八寸脛

豐妍底平指斂約緣迫袂收束微如禁中久之不得音響 令催謝皇帝

萬年瑩乃徐拜稱皇帝萬年若微風振簾幽鳴可聽不痔不瘍無黑子創陷

及口鼻腋私足諸過臣妾 女賤愚惑言不宣心書不符見謹祕絨昧死以

聞時夜漏三下太后御壽安殿發絨歡喜願語帝曰吾入宮後知有幼妹然

中外隔闕目所未見不謂明達如爾明日詔下有司議禮有司奏曰謹按春



先皇宗納乘  
 生和帝時已為  
 太后故大將軍  
 乘氏志侯商女  
 又立為后三  
 梁實時一門三  
 居六人七侯  
 二大將軍向公  
 主濟三人其餘  
 海郎尹校五十  
 心人可前極十  
 必衰矣極必  
 交國有極無  
 是深者自梁氏  
 改深人君速不  
 少者亦復不

秋迎王后於紀在途則稱后故大將軍乘氏忠侯商女今大將軍參錄尙書  
 事乘氏侯冀女弟膺紹聖善舊協潛邸結婚之際有命既集宜備禮章時進  
 徽幣請下三公太常案禮儀奏可一準孝惠皇帝納后故事於六月癸未皇  
 帝制詔大將軍參錄尙書事乘氏侯冀乾施坤受實始人倫不有配儷曷奉  
 天地宗廟爰謀公卿咸謂宜率前典今使使持節太常弘宗正千秋以禮納  
 采主人曰皇帝嘉命訪婚陋族備數采擇臣父故大將軍乘氏忠侯商之遺  
 女未聞訓誠衣履若而人欽承前典肅奉儀制大將軍參錄尙書事乘氏冀  
 上臣冀頓首再拜承制乙酉皇帝制詔大將軍參錄尙書事乘氏侯冀兩儀  
 配儷承天統物正位於內必竣令族重申舊典今使使持節太常弘宗正千  
 秋以禮問名主人曰皇帝嘉命使者弘到重宣中詔問臣名族臣女弟女瑩

父母所生先臣故九江太守定陵鄉侯統之遺玄孫先臣故褒親愨侯竦之  
曾孫先臣故少府特進乘氏侯雍之孫先臣故大將軍乘氏忠侯商之遺女  
外出自先臣故侍中鯛陽侯萬全之外曾孫先臣故大鴻臚鯛陽侯桂之外  
孫年十六欽承前典肅奉儀制戊子皇帝制詔大將軍參錄尙書事乘氏侯  
冀人謀龜從僉曰貞吉敬從典禮今使使持節太常弘宗正千秋以禮納吉  
主人曰皇帝嘉命使者弘重宣中詔太卜元吉臣陋族卑鄙憂懼不勝欽承  
前典肅奉儀制幸卯皇帝制詔大將軍參錄尙書事乘氏侯冀之女弟有母  
儀之德窈窕之姿如山如河宜奉宗廟永承天祚以黃金二萬金馬十二匹  
玄纁黻璧以章典禮今使使持節司徒成太常弘以禮納徵主人曰皇帝嘉  
命降婚卑陋崇以上公寵以典禮備物典策欽承前典肅奉儀制甲午皇帝

大家闈秀正位  
中宮者不儀梁  
后一人已也後  
掖那人呼延平  
之女州燕事容  
之如偽位時為  
帝后北魏時兩  
運胡劉珍之女  
午子後為太后  
今執原籍皇后  
潤卸其故居也  
此可入廿歲后  
妃列傳

制詔大將軍參錄尚書事乘氏侯冀謀於公卿大筮元龜罔有不臧率遵典

禮今使使持節太常弘宗正千秋以禮請期主人曰皇帝嘉命使弘重宣中

詔吉日惟今月庚子可迎臣欽承前典肅奉儀制甲午皇帝制詔大將軍參

錄尚書事乘氏侯冀歲吉月令吉日惟庚子率禮以迎今使使者持節太尉

喬司徒戒以迎主人曰皇帝嘉命使者喬重宣中詔令月吉辰備禮以迎上

公宗卿兼至副分近臣百兩臣蟻蟻之族猥承大禮憂悚惶悸欽承前典肅

奉儀制后服紺上玄下假髻步搖八雀九華十二釧加以翡翠朱寫袿乘法

駕重翟羽蓋金根車駕青交路青帷裳攬畫輶黃金塗五末蓋蚤施金華駕

馴馬龍旂九旂大將軍妻參乘太僕妻御車府令設鹵簿屬車四十六乘前

駕旗車皮軒鳳皇闐戟九旂雲罕金鉦黃鉞洛陽令奉引公卿五官校尉司

廟東大家闕宮秀  
 運正位椒宮  
 梁后其首也  
 魏時入宮被  
 士珍女册為  
 幸後生子冊  
 后飲原人名  
 所居曰皇后  
 令則說寫實  
 海矣

隸校尉河南尹妻皆乘其官車帶夫本官綬以從置虎賁羽林騎戎頭黃門  
 鼓吹五時副車女騎夾轂執法御史在前五將導騎千乘萬騎引至闕下自  
 皇漢迎后未有若斯之盛也至八月乙未詔曰維建和元年八月乙未制詔  
 故大將軍乘氏忠侯商女女瑩朕聞任姒佐周繇運八百良以德重黃裳足  
 奉宗廟也朕以寡昧承嗣歷服爰求英淑共臨海內惟爾夙開內戒德冠後  
 庭有天桃之宜協和鳴之祥宜升尊位母儀天下今使太尉喬使持節奉璽  
 綬宗正千秋為副立爾為皇后其敬慎中饋以踐乃位無替朕命永奠坤維  
 后卽位於章德殿太尉使持節奉璽綬天子臨軒陞設虎賁旄頭五牛旗百  
 官陪位皇后北面太尉往蓋下東向宗正大長秋西向宗正讀策文畢皇后  
 稱臣妾皇帝萬年畢住位太尉喬授璽綬中常侍超長跪受璽綬奏於殿前

女史授媵好媵好長跪受以授昭儀昭儀長跪受以帶皇后伏起拜稱臣妾  
皇帝萬年訖黃門鼓吹三通鳴鼓畢羣臣以次出后卽位大赦天下

漢雜事一卷得於安寧州土知州董氏前有義烏王子充印蓋子充使雲南  
時篋中書也然御覽諸書亦有漢雜事而略不見收此特載漢桓帝懿獻梁  
皇后被選及六禮册立事而吳 入后燕處審視一段最爲奇豔但太穢褻  
耳不謂冀威赫震人猶得遺選如此卷首有秘幸二字不可解要是卷帙甲  
乙名目余嘗搜考弓足原始不得及見約縑迫祿收束微如禁中語則纏足  
後漢已自有之言脫於口追馴不及聊志於此用塞疎漏之誚成郁楊慎識  
嘉壽祺曰甘肅於放足一事非不盡心而爲之也初設天足會繼改天足推  
廣處最近又名天足委員會而有放有不放者蓋闔閭以纖距爲美人人有

李克明字漢源  
 今武山縣人  
 光緒二十九年  
 人本舉人  
 音留省試  
 音取心時  
 在國言所  
 素均會於  
 計民生甘  
 加田賦一  
 署者賦百  
 本託之一  
 已民十空  
 甘肅十有  
 長二教育  
 總局省充  
 檢局總辦

爭勝心有模彷彿性久之則成社會力風氣所趨官廳禁令幾同虛設有時罰  
 一做百議者或疑其迂疏然隴東惟華亭一縣城鄉皆係天足不待禁而自  
 解放矣豈勸導之力之所致哉

三月巡按使張廣建擅加田賦國會議員李克明兩次提出質問書

甘肅田賦素有定額前清

二百六十餘年未加分毫所有一五耗羨及藥味朝觀茜草等項早已併入田賦隨帶徵  
 收廣建擅蔽中央復將一五耗羨及藥味朝觀茜草等項假借名目歸併田賦項下重行  
 徵收並咨呈內務部存案每正銀一兩徵庫平銀一兩七錢又按照地丁銀每兩附收經  
 費五分財政混亂田賦每歲盡失而人民益困內部冒然批准國會議員李克明提出質  
 問書政府令廣建明白答覆空言搪塞不能自圓其說克明對於政

附錄李克明第二次質問書據國務院咨覆議員等甘省加賦特重質問案內  
 開查甘省地丁銀兩歸併徵收辦法一案係於上年三月間經由前巡按使咨部呈准辦

理此款改徵銀兩確係正賦並非附稅且係起因於創一銀價並非變更稅率查前清  
 該省地丁除正銀一兩外有一五耗羨及朝觀藥味茜草等項該省前巡按酌中核定咨

部呈准將一五耗羨及朝觀藥味茜草等項歸併徵收每正銀一兩共徵庫平銀一兩七  
 錢並准按照地丁銀每兩附收經費五分等因查甘省地分河西河東去年銅元充斥銀

承認共和邊境甯謐時代 民國

價驟漲河西銀價通常制錢一仟或一仟一二百文去年驟漲總未超過一仟四五百文  
之數河東銀價通常一仟二三或一仟四五百文之數去年驟漲終未超過一仟九百或  
二仟之數是銀價驟漲盈餘被折之成數以河西銀價比之為百分之一六零以河東銀  
價比之為百分之三零合計之為百分之四六零每兩加收七錢五分合計之則成百分  
之七八零除抵補盈餘之銀數外尚贏百分之三四為盈餘以外之盈餘該前巡按使所  
謂劃一銀價者質言之即維持盈餘維持盈餘只能照盈餘被虧之程度而抵補之不能  
於抵補盈餘之外復增加之且只能照原有之稅銀而增其估以為將來伸縮之地步不  
能變原有稅銀而增其額為稅率變更之行為宣統元年甘肅清理財政報告以箇頭所  
餘之錢改折銀兩恐數目一定將來改良徵收反足為前途障礙不如先將盈餘提出歸  
公仍存其銀額一俟幣制齊一後以為抵折改良之記數等云老成至計具有深謀該前  
巡按使假劃一銀價之名為變更稅率之實此對於劃一銀價之說不能無疑者一查  
會典乾隆五十七年甘省地丁收正銀外有朝覲課程年例料價等名目奏銷冊報歲收  
朝覲銀五十六兩零課程銀七百七兩零年料價銀一十三兩零均歸地丁收解撥作兵  
餉之用賦役全書秦州階州河州皋蘭隴西伏羌通渭甯遠會甯文縣成縣等縣均載有  
藥味折價及藥味腳價名目議共額徵銀三百二兩八錢三分三釐均編入地丁內徵收  
為報部正額秦州階州河州皋蘭西和隴西秦安通渭伏羌清水兩當徽縣安定甯遠會  
甯成縣文縣等十餘州縣均載有茜草名目及折徵之數自一兩至二兩數錢不等惟河  
州多至一十二兩零戶部則例載甘肅額解茜草三千三百一十六觔零折銀四十三兩  
六錢八分二釐茜草鋪墊銀一兩一錢八分三釐茜草腳價銀七兩三錢六分三釐共額  
收銀五十二兩二錢二分八釐向隨地丁徵解為報部正額等云最近宣統三年奏銷冊

日編入地丁徵收宣統元年甘肅清理財政報告曰編入地丁爲報告正額款以上三項早已歸併地丁徵收矣而三項早成爲甘肅徵收歷史上僅存之名目其折數卽在該前巡按使所言每兩改收一兩七錢之每兩內檔案均在掌故可考已無歸併之餘地卽不應再生歸併之問題不然去年因歸併此等雜項而每兩始加收七錢則去年以前之若干年人民於負擔每兩外並未另有此項之輸納豈人民之延欠耶善歸併徵收久矣且三項共額徵銀一千一百二十一兩六分一釐甘省地丁額徵正耗三十二萬五千三百五十八兩一錢三分九釐零幾至該項額徵之二十多倍假歸併徵收之名爲橫徵暴斂之實此對於朝覲藥味茜草等項歸併徵收不能無疑義者二從前火耗一五卽今日經費五分之性質火耗一五歸併正解而有經費五分則經費五分亦有歸併之一日若五分經費歸併正銀又將不能不附收經費五分同樣之一種隨加隨併隨加加併無極積徵成巨併入歲額卽定爲歲需耗羨歸公之政策治田賦學者所以非常慎重也宣統元年甘肅財政清理報告一五耗羨銀估在箇頭之內卽在額徵每兩之內再無歸併之理由民國三年政府通電各省所有徵收費全數歸公准於正額以外附收百分之十以內之徵收費河南等省詳稱徵收費再礙難另收政府於是准由附加稅內提出若干以資抵補甘省去年於黑幕中每兩加收七錢之多而經費五分何不援照先例卽於所加之七錢內提出抵補而於耗羨之外又加耗羨經費之外再加經費五分胡林翼曰官家之所謂小事小民之所謂大事此對於一五火耗歸併徵收再於每兩外附收經費五分不能無疑義者三總之該前巡按使爲見好政府竭澤而漁復選加賦之名造掩飾之詞以財政行政之機關爲誘欺詭取之行爲以國家稅率之尊嚴無明白衆共之信示一經揭開成何事體而政府亦復徇於該前巡按使飾詞以議員等爲誤會故議員等認政



府答覆為無誠心而不得要領甘省今年春旱秋澇現已十室九空而此糊塗負擔復無減讓之餘地民國政治其尙可言除各縣徵收銀價一律按照市價折收已由財政部另文令行該省財政廳長遵照辦理外所有無理加收之七錢五分能否按照附加稅百分之二三通例酌量減免明白規定為田賦附加稅以釋羣疑而蘇民困茲再依法提出實問限於五日內明白簽覆

案大禹則壤成賦公劉徹田為糧

時公劉教稼甯縣

民有業即有稅亦曰田賦此為

國家正供但賦必量乎土之肥瘠歲之豐凶與下種之多寡

河州西甯田賦照籽種多寡分等差

酌中定制庶不病民清因舊制永不加賦國體改革擅自增加甘肅銀糧一

兩加銀一兩七錢五分

照老庫平收款

合法幣四元強附加警察費教育費煙畝罰

款軍費雜款頭會箕斂加之不已前清納銀一兩者今則四十餘元猶不足

力役之征米粟之征尙不在此數內凌民之膏澤而實之又因而殺之

晉語奈

之何民不窮且盜也

慕壽祺曰民國成立以來調發日加百姓虛憊傷哉貧也其甘肅乎張廣建  
不惟不知痛癢又從而增加賦稅每畝納銀二兩七錢五分方謂比區區者  
取之於民甚易也會亦思物不天來終須地出不捐百姓將何以求一旦羽  
檄日聞水旱不節民貧無立錫地公家必取盈其數良善者則鬻女賣兒少  
壯者則與盜爲伍本根一搖憂患不淺長甘者將何以救之哉

### 省政府擬種茶於隴南

蘭州及河西喜用磚茶者居大多數磚茶名曰福茶又曰官茶其葉採自湖南其製造在陝西涇陽縣葉粗而色黑上流社會

輒厭棄之省政府提倡種茶查清康熙十一年甘肅提標參將石福運合黎山見山中多茶樹乃遣僮往牧馬隨地採製市之陰獲厚息南山亦有茶而其性頗溫與茶不類此甘州之宜於種茶也但合黎山在甘州正北西起肅州之鎮彝東至張掖之峽石南接人祖山延長三百餘里山南即張掖其地產茶雖多而爲番族遊牧地且河西氣候稍涼究不如隴南之和暖隴南文武成康四縣毗連四川宜種茶乃派員前往調查

### 省議會咨省政府請恢復縣議會不果

其咨文略謂縣與縣相積而道立焉道與道相倚而省立焉省與省相輔而國家立焉今

則共和再造法制來蘇參衆兩院恢復矣各省議會成立矣雖以甘肅之邊遠第一屆省議員五十四員已於去年召集開會隴上九百萬人民互相頌慶惟甘肅七十餘縣由各縣選舉省議員額定五十四員偏僻小縣並一省議員而無之者正非一處若以甲縣之人代乙縣之人負責任以期造福蒼黎竊有以知其不能矣其時縣議會章程國會業經議決不日可望宣布自應早爲組織以去隔閡而圖進行或曰省議員由各縣選舉而來其公正明達熱心公益之士不難統籌全局澤潤生民縣議會可從緩辦

慕壽祺曰縣議會者省議會之輔助機關也省議會雖已恢復而各縣置若

罔聞是猶前清創辦學堂各省設立高等而中小學校尙未着手源塞而欲流長本枯而欲枝茂其可得乎然責人者必先責己譏人者不爲人所議民國二年春甘肅各縣縣議會限期一律成立誠盛事也惟人類不齊有出厥範圍者有不明事理者有把持一縣財權者爲國家立法而先自亂其法爲地方除弊而先自作其弊各省皆然而甘肅爲尤甚阻力橫生豈無故哉

夏四月省城設製革與織呢局

甘肅所產皮毛其原料甚佳爲中國冠但出口皆爲生貨一經西人製造或爲皮鞋皮帶或爲禮服呢及其他

一會  
專周  
察革  
泰西  
書簡  
肅產  
肅造  
精矣  
有心  
人哉  
亦自

毛織品復以大價售諸中國而甘肅消場亦最旺一舉手間獲利無窮前總督左宗棠於光緒初年即開局織呢以抵制俄國之貨嗣以機器稍舊事遂中止光緒二十一年後前蘭州道彭英甲開製革廠所造革履皮箱物美價廉旋因武漢起義工廠停辦劇壽樞上言於巡按使臣甘肅當嬰粟禁絕之時非商旅無以致富非工藝無以通商政之大原端在於此蓋即皮毛兩項而試辦焉乃開辦舊織呢局另設製革廠官商合股以一百萬元為足額新建左軍統領吳攀桂條陳所見一皮毛請歸商辦人之製造專精者皆在民改英之多爾克福持法之華士德之克虜伯是也蓋官廠則製肘滋多總辦提調各員往往從中漁利民廠則精心考求爭思廣售向來一切弊端不得禁而自絕此計之善者也一速派學生出洋就甘肅中學畢業生擇其能吃苦耐勞者赴各國大工廠專學製革織呢兩事學成而歸用為各局廠執事於局廠附設工藝學校聚聰穎子弟而教之則人人心通其就身習其業不致吃為神奇亦不必求助外人受其欺給如前此漢陽鐵廠每歲開支洋人薪水至數十萬金區區一鍊細鋼之法秘不傳人且謂鋼中所用之藥名曰鋼之母須以多金向外洋去購究之其法甚易其藥為木炭知者不值一笑而洋匠乃如許做作中國人亦甘受其欺故急宜派學生出洋以資練習巡按使以收效遲緩置案一國志鈞落者校飾革帶世謂之鈞落帶又作郭落史記匈奴傳注張晏曰鮮卑郭落帶瑞獸名也東胡好服之即今之皮帶也圖畫見聞紀三代以後始服木屐伊尹以草為之名曰履秦世參用錄革鞞後遂改為烏皮鞞見唐書車服志及宋史輿服志涼州民先辦鞞為從軍之物然後作衣見傅咸涼州表青海蒙古無論男婦皆服長鞞皮鞞番子皆服短鞞胡鞞自製革履名曰駱蹄以形似駱駝之蹄故名至甘肅軍人所用鞞與履皆來自天津價昂而來亦不易

巡按使張廣建請將西甯劃為特別區域

西甯密邇青海吐谷渾舊所居地周圍一千餘里地皆不毛前清雍正初番酋屠譯

以盟西陲振動經大將軍年羹堯平定後青海各盟旗傾心內向乃設青海辦事大臣駐察罕城初猶與蒙番接近逢祭海之期與各王公會盟一次所以示聯絡固苞桑也逮其後大臣移駐西甯深居簡出夷情向背漠不相關賞罰之權寄諸通事以致二百餘年迄無進化之觀地廣於昔民多於昔世局蕃變政教複雜而行公布令狃守古昔簡陋之方求如前漢之開西海郡隋煬帝之征吐谷渾不可復得矣外人游歷青海者謂內容腐敗滿目荒涼萬落雜居一盤散沙此英之所以圖謀全藏也民國成立雖倡五族共和准其青海各王公舊制存在所以整理而救藥之者不聞劃一策發一言馴致青海領土權轉入各王公之手英人乘此時機得寸進尺達賴復與之訂密約締結利權前後藏已為其掌中物矣又擬由玉樹進窺青海遂改青海為新藏張慶建聞之大驚曰明者觀患於未蒙况已著耶未雨綢繆此正其時所有玉樹駐重兵都蘭設理事以及其他應辦事宜非蘭州政府所能兼顧呈請中央飭照察哈爾綏遠將西甯劃為特別區域方足以慘淡經營

案日俄戰爭時日本宣戰布告明認滿蒙為中國領土華盛頓會議時九國條約亦認滿蒙為中國領土各國外交上不得以東三省主權予之中國乃日本矢野博士盡力研究中國歷史以滿蒙中國之領土此事已由帝國大學發表於世界中國學者無一人起而反對此東三省之所以為日所吞也西甯為入藏門戶青海為中國領土英人擅改新藏其意若曰青海為達賴所有俄一旦事機成熟以日本佔領東三省手段窺我邊疆恐青海從此多事矣

幕壽祺曰西藏問題前清末已起糾紛政府鞭長莫及聽其自然而已國體改革後筭執樞機者緘口蹙舌一任臥榻之下他人鼾睡而莫可如何張廣建以西甯關係重要請劃為特別區域思慮豫防其慮深矣雖其言未見諸實行後十年而西寧改建行省亡羊補牢未為晚也尙其擇任將帥哉

### 設大林區以羅經權爲總辦

林制所宜者支拄房屋修造橋梁架設電竿保安國土修

甯所產爲最清乾隆時平番之西山連賊茨兒溝腦乾溝七箇嶺克公嶺與夫四臺以西之先密寺旗子沙金等山以至天堂寺等處材木不可勝用商民結爲本俄由黃河順流而下連至蘭州甯夏以及山西包頭鎮其次則爲洮州土漢交錯林木暢茂不惟供本省之用光緒庚子秦中大火派員在洮購買山渭水順流而下以至西安又其次則甯夏之賀蘭山亦產林木而棧梁之材則不多見然主權皆操諸蒙番之手自生自滅公家向不過問且而伐之可以爲美乎省城南山官灘一帶林木葱龍鄉民砍燒爲炭榆中興龍樓等二山有大本以改革後居民結夥盜伐所存數亦寥寥若不設法保護則向來固有森林日形減少自大林區成立後始擬定保護辦法天然森林輔以人力呈由巡

按使公署核准頒行各縣由各縣長責成森林附近鄉保頭人妥慎保護倘再任意摧殘一經查出按照法律嚴懲

案林業之利爲實業一大端東西各國皆極力經營其森林種類有所謂帝室林國有林公有林私有林社寺林部分林者名目甚繁而究其爲用則不過供用林保安林二者而已不禁採伐者謂之供用所以供國家與人民之用而爲森林直接之利益也禁採伐者謂之保安大概於可防風災飛沙之處則禁之可防湍流潮水之處則禁之可防沙土崩

壞雪石頽墮之處則禁之可養水源之處則禁之可為航路目標之處則禁之可供公衆衛生之處則禁之可為名區風景之處則禁之皆所以保國家與人民之安而為森林間接之利益也各國為此二種利益之故不僅設官立局又為特布森林法律特設森林警察防之至密而護之至周其重視也如此我國古無林業之稱然山虞林衡載在周禮稽其職掌與其禁令揆之各國大略同焉孟子曰斧斤以時入山林材木不可勝用供用之中保安之意寓焉矣持自阡陌之制開山澤之禁弛取之無節養之不時於是場圃之師僅談瓜果田舍之婦但話桑麻而濯濯童山遂無復過問者矣蓋其時制作簡陋工藝未興林木之用苟為取給而已若夫林業可以保安其學理既未發明故上下均無由注意至今日則不然矣

慕壽祺曰班孟堅云天水隴西山多林木此就漢時言之也近數百年以來西甯洮州所產林木較天水隴西為尤多是森林之利甘肅固有之矣固公家向取放棄主義番民任意砍伐不有以培植於後其能用之不竭乎若令童然髮然肆行斬伐人見其濯濯也以爲未嘗有材焉是豈山之性也哉

**實業應派員調查徽縣兩當鐵廠** 甘人釜鑑以鑿錢鑄以耕閭閻之勇刀軍營之器械以及百工製造無一不於鐵乎是資即無一不仰給

於山陝新疆諸省甘肅鐵礦繁多貨棄於地惟徽縣兩當礦苗發見於外居民以土法開採覓工人製器如取如攜用之無窮山陝鐵貨之輸入者日漸減少惟甘省之民性樸而情不有以倡率而鼓勵之則疲弱之風氣終難轉移實業應為提倡計派員前往詳細調查能否鍊鋼以關利原蓋自海禁大開而後洋鐵洋鋼盛行於中國小之則極於尋常日

用大之則關乎製造海防中國非無鐵也製鍊不精故大利盡為所奪甘肅富有鐵礦除成縣兩當辦理已著成效外其他未開採之礦埋藏土中不知凡幾如果就地取材購機

陳錫或用官款以助其成或藉人力以省其費務使礦無遺利學就專門其便益於公私者甚大

案前清光緒朝兩湖總督張之洞奏開鐵政局購機鍊鋼以收利權者成謀國其識可謂卓矣或乃倚摭流言阻撓至計致令西人獨擅其利以至於今現今世界各國以製鋼事

業之盛衰關係國家之強弱頗大日本南滿鐵道所經營之鞍山製鐵所初因技術未精每年損失頗巨後乃聘德國技師而研究之得發見新技術及製鋼經費節約方法倘再

改良其新式之製鋼爐每年至少亦有四百萬元左右利益

幕壽祺曰鐵之為用至廣使甘肅一日無鐵其人民之不便何如幸有非常巨額之鐵礦在焉對於製鋼事業莫不視為重要問題但自嬰禁絕甘肅日貧困窮中產之家旬月

不親一金不見緡錢農夫凍餒雖豐年不免鐵廠之資木家日維現狀且無力欲令購機製鋼不誠戾乎

### 五月財政廳派員往各縣變賣公產

甘肅同係受協省分改革後餉源斷絕兵備擴充與夫行政費司法費教育費警察費在在需

款孔急財政廳又不能指定某款辦是事祇此收入之數甲事急先以應甲不能存以待乙乙事急次以應乙不能止以待丙挪東補西諸凡應支之款多在不敷數內以致所差

彌鉅田賦所定二兩七錢五分之數雖賦增銀洋數百萬元仍恐不敷應用不得已將各縣所保存之舊衙署以及田產房產派員分途拍賣以資彌補平涼崆峒山亦在拍賣之



刑定銀五萬元無主願後  
減至二萬元仍無投買者

案空同在今平涼而岷州狄道肅州亦有空同名稱語雖附會已散入典冊  
中矣杜詩防身一長劍將欲倚空同空同小麥熟空同足凱歌空同使節上  
青霄諸句註家皆指爲岷州東十里之空同明御史獨道雍焯空同積雪詩  
序謂馬銜山卽空同肅州東南六十里亦有空同說者謂黃帝披山通道西  
至空同卽此

慕壽祺曰古人有言空同之人武是空同二字代表甘肅全省我中華民國  
之完全領土也而財政廳擅自拍賣渾而言之曰空同並未指明平涼以西  
幸甘處邊遠此等廣告外人未之知耳距今百餘年前英人以番餅六萬圓  
購新加坡於義火可握國王故其後開爲商埠併吞四鄰假令外人授意教

民以甘人名義照拍賣最低價格購空同於財政廳則舉全甘而捧送於外

人之手矣不亦危乎

六月套匪偽皇帝達爾六吉與其黨羽十八人在甯夏槍決

達爾六吉者本漢族劉姓靜甯縣人幼失

怙恃貧無立錫地為人牧羊初無所謂大志也有余道人者由蜀度隴一見大驚屏人語曰相君之背貴不可言然不利於東若北走胡可成大事漢高明太非皆起自田家耶乃

改今名托言清宗室自關東來偕行至後套以策于盧占魁占魁願助槍若干枝兵若干名余道人自為軍師尊達爾六吉為偽皇帝並有鎮殿將軍等名目是年三月謀襲平羅

為甯軍所敗欲歸後套盧占魁復拒絕不得已竄入賀蘭山此山崖壁險峭延互五百餘里上有禿寺百餘及夏人故宮遺址舊為居人細獵樵牧之場明弘治八年始禁之匪至

此日不見人無所掠食荷槍獵野獸以資糊口匪黨肩薪縷水艱苦萬狀久之野獸亡羣飢餓幾不能舉步官軍至此搜山稍有力者聞風遁逃其不能逃者共擒獲一百數十名

解甯夏大吏委諮議秦望瀝會訊取供以達爾六吉等十九人情罪較重悉槍決餘釋

慕壽祺曰光復故物談何容易哉以升允之忠於前清欲學王保保一流人物始而鼓惑青海繼而聯絡庫倫終而奔走東瀛而一無所成者手無寸鐵故也張勳復辟辦子軍不

不多矣馬應督師共和再造世界大勢所趨帝已廢矣終難恢復况偽皇帝乎若達爾六吉則真兒戲耳其死也宜哉

秋七月省政府禁止省城各學校研究社會主義

民國元年蔡大愚師教有司馬鄰  
實來甘在臨時省議會演說共產

共妻被提督馬安良馳逐後數年復充甘肅法政學校校長日以社會主義灌入學生之  
腦經於是省城各學校醉心馬克斯學說省政府聞之出示嚴禁略謂歐洲近世實業驟  
然發達致國中祇有大資本家與勞動者兩級勞動者利薄逸者利多故不平之念以起於  
是昌言勞動之與報酬必須平等所採方法或謂宜以土地資本歸諸公有或謂宜公平  
分配於各人其最極端之說則有共產主義謂不許私其財產而皆由公衆同任勞務即  
以其生產品供公家之用有餘則為公衆之儲蓄自馬克斯以後學說一變此派不取共  
產主義惟主張以產業機關歸諸國有禁私人占有土地而以土地所得分配各人是為  
近世社會主義又俾斯麥一派之說則謂救濟下級社會固為急務然不宜顛覆現代社  
會制度但當變易國家政策以改良產  
業交通等之機關是為國家社會主義

九月設製造局於蘭州舊舉院

先是前清同治十三年總督左宗棠在蘭州南關創設  
製造局募廣東土匠用泰西機器仿造洋槍洋礮等械

兼派督標幼丁從之學習光緒八年暫停學徒歸併於織呢局以內  
至是就舉院遺址改建房屋添購新機器製造新式軍械以資需用

巡按使令敦煌縣保存莫高窟古蹟

自前清光緒末葉敦煌石室所藏中國數千年古  
書古器被英人運至歐洲於是東西各國知敦煌

新發見之珍寶為世界所贊賞遊歷者取經者日絡繹於途一器品價十倍矣惟去  
者已難復返在者尙堪保存將軍兼巡按使張廣建訪聞于佛爾佛像燈盞以及五代錢

收遺英高窟所  
其能奇籍情未  
外人登錄本國  
西倫敦博物館  
內有數種

碑西夏文字寫經住持希圖小利時有盜賣情弊令敦煌縣嚴訂規則隨時稽查並將古蹟種類名稱造冊存案

墓詩祺曰甘肅由漢迄唐金石舊刻有關國家大事帝王軼行與竹簡異用而同功實足補史傳省志之不及如隋與吐谷渾分界之石唐與吐蕃會盟之文哥舒翰之紀功碑真甯縣之真人像與夫廟表墓碣之作神龜吐瓦之章駸駸乎曼衍全甘矣遠者二千餘年近者亦八九百載芒芒邈哉有風雨以剝蝕之有陵谷以變墜之埋埋切澗苔侵廢跌葬金境於沈沙囚寶劍於繡塵沈緼漫漶逸在澤莽將惟永世不得自託於日月之光耀與人倫之鑒裁目昔人之勞亦可哀矣幸而莫高窟古物稱鈞驛莽權相繼發見於外一經品題聲價十倍然無人以保存之恐楚人得之又自楚人失之矣

### 九月甯夏靈武縣發見西夏寫經

昔李元昊據有朔方自制蕃書命其臣野利仁榮演繹之成十二卷字形體方整類八分而書頗繁

重國人紀事用蕃書又譯孝經爾雅四言雜字為蕃語元太祖滅西夏耶律楚材將西夏所有文字搵毀殆盡惟涼州大雲寺之西夏碑聞係僧人所藏清道光時始出現甘州勅黑河龍王碑陰有西夏文字此二者皆耶律楚材所未覩故保存至今甯夏為元吳都城其國書竟無一字至是靈武縣知事余鼎銘修城於城牆內掘獲西夏寫經兩大箱毫無損壞送往甯夏鎮守使署

前張掖縣教官巨子魏先生為余言光緒二十二年張掖村農取土得古紅銅錢兩大甕融成一塊色深綠不能行使攜進城中售於銅貨舖府署幕賓以錢文不多見順手揀數

光緒十九年  
學政蔡壽生  
生在蘭州市  
夏錢幣一枚  
以白金十兩  
之壹先生時  
歷代錢譜故  
也

文歸而置諸案頭後為知府燕巽卿窺見大驚曰東南考古家不惜重金搜求數十年而不得者君從何處得之幕賓以上項情形對巽卿遣人買銅舖已製成熟貨巽卿頓足而歎曰可惜西夏錢幣散落民間者隨處皆有特人不留心耳

### 省議會議決甘肅巡鹽緝私隊由公家招募

甘肅鹽務緝私之設創於民國四年招商包運時代彼時權運局與包商訂立

合同載明招募緝私隊若干名其官兵之薪餉則由包商按月定繳由權運局核發但兵士須聽包商指揮於是商視兵為僱傭兵倚商為護符小之徇情容隱大之勾串營私流弊所及己屬不可勝言而包商認繳之緝私經費又不履行合同交局轉發悉由包商直接核付平時緝獲私鹽如何處分亦由商人自行辦理權運局無由過問是包商握有緝私實權自可為所欲為毫無顧忌而運私未嘗不出於緝私隊之手因各包商於權運局所屬各產鹽局所在地附設運送事務所一處在產鹽局領鹽時將稅照完後掣獲放鹽運照存留該所凡各散商以及脚販購鹽均由該所發放並將領存局照不給商販另發一種自製憑單如商販運鹽過境緝私隊只認運送所之憑單不問鹽局之運照因之私鹽充斥權局無法制止省議會議員提議以緝私隊擾民太甚應由公家招募緝私步兵騎兵實行訓練再派往各池井分紮當即開會討論一致贊成咨省政府執行明年權運局始從商家手內將緝私權收回從新編制定名為鹽運隊暫行成立兩營內分馬巡步巡各一營

案甘肅毗連蒙界多係灘場沙漠地質含鹵產鹽之富為他省所無其池之著名最早者花馬池成鹽作用純出自然雖地土於湯家海等而產量則較湯池奚啻百倍青海鹽

色青宜入藥甘肅初照藥材上捐其產鹽之池距西甯遠者十餘站近亦數百里特爲銷場所限擦漢布魯克池與花馬青海相領皆天然產也此外各池井政府許人民撈取熬製認爲食鹽者以言池鹽則有小紅溝甘鹽池白墩子哈家嘴劉家灣八盤馬蓮泉湯家海蘇武山白土井高臺等處以言井鹽則有漳縣西和等處餘如拉牌白塔寺皆爲新近開放之區產量不多所謂自檢以下無足稱道池鹽之成厥有二種一則出自天然不藉人力每當初夏即由附近民衆齊集池邊任意撈取此殆由於多量雨水滿注池泉一旦大雨時行池泉暴溢水滿相和流布池中一經日曬風吹即可自成鹽粒凡此鹽產近惟湯家海高臺二處爲然他處絕少發見一則須賴人工汲鹽非須預貯隔年雨水作爲種子名曰種鹽亦有不煩下種治畦灌水一經日炙即可成鹽上述各池率皆屬於此類至於井鹽製造必藉火力熬煮而成成本所施固較曬鹽爲費即其質味自亦不及天然池產之佳脫將漳西所製鹽舫運往出產池鹽之地必且無人過問而無法推銷故漳縣西利所產者向祇行銷於鞏秦階成之間有山然也至於小花馬池即惠安池近亦割隸甯局產鹽即須下種將成未成之際非須澆以井水質味似與大池無殊而無鹽根療疾作用附近花馬大池之爛泥池等所產名曰液鹽倘雨澤適時風起浪生即可凝結成粒命名始即此意其他蒙古一池一狗池二北大池三後波池則在邊牆以外三池本爲中國地面奈因明代余子俊築邊牆時奉命棄食而池在套內遂爲蒙族所有迄今分屬鄂爾多斯竟於阿拉善之擦漢布魯克及雅佈賴等鹽池先後轉租於我國歲費巨萬豈不惜哉擦漢池位於一條山東北方面雅佈賴則在馬蓮泉直北地方面積均較花池爲大產量至於不可端倪舊與蒙古阿拉善旗約定每年運送六萬馱試以至少每馱二百馱計之約在十二萬擔即千二百萬觔而其池存之鹽尙難意料其天產之豐有駕花馬大

崇大... 元... 提... 提... 與... 建... 旋... 長... 其... 夫...  
 崇大... 元... 提... 提... 與... 建... 旋... 長... 其... 夫...  
 崇大... 元... 提... 提... 與... 建... 旋... 長... 其... 夫...

池而上之而莫可與京者餘如利屯同湖昭化寺即紅鹽等池鹽產亦頗不弱和屯向運  
 紫局同昭則由中衛收倉中條兩倉均為撥鹽轉運機關其產量之夥已屬可想而知以雅  
 池開運以後除由涼州收倉以便商販其由商人自行入池馱運者歲約五萬餘擔即五  
 百餘萬叻此僅就隨撈隨運連年馱載出池者計之耳至若在池未撈已撈未運者其數  
 實覺不可僅指至民國十八年惟進總局改組所屬各局  
 管轄緝私隊棚數兵士名額及駐在地方列表錄於附編

冬十月馬廷勤回河州

廷勤前甘肅提督馬安良之第三子也幼隨安良任所讀書前  
 清宣統己酉科得拔貢民國二年項城總統謝京用衛侍武官

以旅長待遇項城卒黎黃坡繼任照舊供考本年夏由京回蘭州與陸軍學生及各大學  
 教職員相往來而法政學校校長蔡大愚尤為莫逆交蔡大愚者四川回教民國元年隨  
 粉育司司長馬肅豐來甘即倡共產共妻學說廷勤以其有新思想且係回教朝夕過從  
 時有密談據外人傳言謂廷勤此次言旋奉某要人意旨在甘肅組織新政府將不利於  
 張廣建至是忽回河州  
 往大河家省其父安良

案前清同治元年陝回騷亂甘回應之天下久泰人不曉兵將無法令士無訓練以之殺  
 賊望風而逃繼上駭然無完宇閔殿臣遂擴河州為老巢金積堡馬化龍為犄角之勢七  
 年前總督左宗棠奉命西征閔殿臣聞湘軍度隴自知無抵抗能力求替人以收拾殘局  
 時有馬占魁者是為廷勤之祖凡人多謀善戰回族奉以為帥宗棠進軍安定謀取河州  
 占魁遣其子安良赴安定大營請降宗棠許之占魁退居大河家大河家者在河州西鄉  
 一百二十里與循化接壤安良繼乃父之志經營四十餘年大河家遂為膏腴之地矣

十一月狄道新建右軍變旅長劉忠盡被刺

張廣建督甘後以隴上為自古用兵之區而河州漢回雜處尤喜生事河州安

則甘肅安左宗棠之言其不虛矣民國四年劃河州東鄉太子寺改為甯定縣以斷匈奴左臂四年遵照陸軍編製法策新建左右軍五營以吳攀桂統之駐省城右軍五營以吳桐仁統之駐狄道因中國加入歐戰團體奉陸軍密電連在酒泉設邊防司令部廣建以吳桐仁為司令狄道大營以旅長劉忠盡代行統領職務時有焦桐琴者西甯樂縣人保定陸軍學堂畢業發回甘肅廣建令往新建右軍見習劉以桐琴英氣勃勃軍事學頗有研究用為參謀居頃又升為副團長劉方以桐琴為左右手而孰知其別有計畫先是蔡大愚與馬廷勳趙學普謀舉大事適桐琴由狄道進省出趙學普介紹大愚引為同志恨相見晚屢次在法校開議議定由狄道入手以冬至節為期廷勳許助槍械並調循化撤拉屆時到狄道助戰謀既定廷勳回河州調度一切趙學普亦回狄道約其勇邊永福招集舊部聯絡壯丁以作援助並促桐琴行事至是交冬至節漏琴佇望撤回怪無聲響密令急永福趙學普過洮河探消息此二人者甫至洮河邊隔岸有放哨兵士二十餘人天昏黑道少人忽聞馬蹄聲大聲問口號二人不能答露一響均飲彈死桐琴聞洮河邊槍聲喜曰撤拉兵至矣候一小時毫無動靜心疑之上營牆發槍意在叫號也仍不見一兵時劉旅長在辦公室聞槍聲發自本營不勝詫異遣傳事兵請焦團長桐琴大懼以為春光洩漏乃為先發制人計至旅長辦公室劉起而讓坐猝不及防用自來得手槍擊中胸部登時斃命桐琴踰垣而逃事後調查知撤拉兵之所以愆期者馬安良一人維持之力也初廷勳旋里後循化撤拉陸續來河州以安良為教主也來者必專誠叩謁安良曰爾等不在家務農來此何為對曰三少君調不敵不來安良聞之大驚詢其子廷勳



以實對安良流淚而言曰子其赤吾族乎爾祖生逢陽九被人推戴以河州一隅地抗潮軍十萬師後雖悔已不及矣吾赴安定大營泥首投誠左文襄公宗棠施破格之恩許我父子不死並為吾改名安良取其安分為良民也四十餘年戰戰兢兢抱定此五字不敢有法外行動不圖老境聞此病狂喪心之言九泉之下有何面目見爾祖父况督軍到甘後時時以防河州為念並非其教輕敵之輩大有充國持重之規撤回自田家來不戰而知其敗矣回紳喇世俊亦不主張其事遂寢

### 蔡大愚走河州

自狄道兵變省城人言嘖嘖謂法政學校為總機關督署派員在校長室搜查信件大愚恐懼乃走河州

### 鎮原縣舉人慕壽祺上尊孔論

分上篇 下篇

### 於省政府

壽祺學宗洙泗清光緒三十三年伏闕上書其實行尊孔一疏由都

察院代奏交學部議通行各省在案頃以異說紛興人心浮動非聖誣法大亂之殃乃書尊孔論上下篇上之省政府督軍兼省長張廣建刷印通行並登報宣布

案查甘肅省政府第一萬八百二十四號指令呈及尊孔論均閱悉孔子之教如日月麗天江河行地得之則國興失之則國衰證以漢唐宋諸朝歷歷不爽自歐學東漸誤認物質文明為道德文明舉國若狂弁髦孔教於是人心愈壞世道愈衰國家遂岌岌不可終日該參事所論批却導窾洵足以救亡起衰除令行各縣轉發高初各學校互相傳觀並刊登政報外仰即知照此令中  
華民國六年十一月十七日

劉民曰天不變道亦不變變者因革損益之法也今人因變法而遂欲變道道亡而國尙能存乎作者識通中外學有本原眼電橫飛舌鋒銳掃子與好辯真收言拒之功昌黎起

衰多賴原道之力亟  
宜付梓以廣流傳

宗孔論上有序

慕壽祺

尊崇語雖有見  
地非阿好也

道德淪喪久矣人心趨於浮薄風氣戾夫古初常此悠悠國奚以存今思有  
以挽回之舍孔教其何以哉前奉大總統令擬以孔教加入憲法統治民庶  
鞏固藩籬俱於是乎在夫孔子集羣聖之大成謂之大道德家也可謂之大  
政治家也可謂之大哲學家也可謂之大格致家也可僅以國教宗孔子已  
淺之乎視孔子矣而薦紳先生與夫識時俊傑數月以來街談巷議要其大  
旨不外拒孔教爲國教之言焜火蔽日月蚍蟻撼泰山本無辯論之價值第  
恐青年學子主宰未定其或習聞邪說非毀聖人轉自蔽其良知良能究其  
隱患將滅絕倫理誤盡蒼生而後已蒙爲中國前途懼本夙昔宗孔之心取

福利書院  
藏板通圖

近日聞孔諸論說一一駁而辯之當此科學大明神權無力惟孔教乃能奏大同之治世有知者當不河漢斯言

國於天地必有與立無論大小強弱而有名譽於近代者則皆有宗教存焉世界斷未有無教之國而能長治久安者卽未有強從他國之教而反下喬入谷者故法令不嫌於創道德則取乎因學術日求其新心法則仍夫舊世界文明各國無論如何變法如何革命於其素有之宗教兢兢焉珍重而護持之凡以立國之本在是也中國胡獨不然

中國爲自古禮義之邦所賴以維繫人心發揚民智消融畛域翊贊國家者非吾孔子之教也耶向者武昌一呼全國響應鐘除專制肇造共和非孔子易象革命之辭禮運大同之義有以導厥先河也耶夫華盛頓立國之始猶

易象革命之辭  
禮運大同之義

語意而俱圖

註釋編成編本  
之論

字字餘心

必苦戰八年法蘭西革命之難且至流血三次我國功成頃刻易如反手未經盤錯尙慮動搖將欲鞏固國體惟鬧發孔子大同學說乃可使共和真理深入人心舉國一致力圖進化蓋無論爲專制爲共和斷無上下不一心而可以立國者人但知專制革命之初非尊孔不足以定太平而不知革命成功之後非實尊孔尤不足以退亂萌

亂萌起於人心中於國家不尊孔子是無人心無人心卽無國家孔教之不可須臾離在共和時代爲尤急乃一時誕妄者流以無忌憚爲自由以不服從爲平等以孔教之範圍人類而不能惟所欲爲也相與倡廢孔之議推其心若惟恐聖教亡之不速也者欲使道德維繫之國家變而爲利害關係之社會馴致秩序凌亂法守蕩然近年以來自私自利者比比矣名曰共和實

跌宕

則紛爭同室操戈生靈塗炭而猶曰民吾同胞天下一家孔子之教顧如是乎頃者大總統深謀遠慮下令國中俾人人宗仰時聖庶幾愛國之心油然而生犯上之漸無自而作及起而環顧國中人心之險詐如故風俗之敗壞如故對我至聖先師不宗仰斯已耳又從而詆排之喪心病狂至於此極意者天心尙未厭亂耶蒙竊惑焉請申其說

說者說孔教過尊君權在當時已有爲諂之誚在今日尤於國體不宜漢唐以來專制天子借孔教以束縛英雄尊孔可也共和平等將焉用之若如色勃足踴鞠躬屏氣等形容不幾爲人格之污點乎是大不然夫大總統者皇帝之變稱也皇帝傳諸一家總統公諸天下其名雖異其位則同舉全國之萬事萬物以一人總之統之此其權與皇帝何以異書曰惟天生民有欲無

認定主人篇

名其實則

正論破的

見後  
火

名論不刊非強  
爲壹合者

主乃亂無論爲君主爲民主而要不可以無主主者舉國所服從隨時勢所趨稱之爲皇帝可稱之爲總統亦可蜂蟻有主而况人乎若推孔子尊君之教使人人親愛長上人人擁護中央則各直省服從命令奉行惟謹大總統可以無爲而治天下否則諸侯放恣尾大不掉各直省自爲風氣兵爭之禍興而瓜分之期近矣豈難共和之美名無治世之良法將以除弊適以叢弊將以自治適以釀亂以干戈爲兒戲視政府爲贅瘤民國前途何堪設想欲杜其漸非服從中央不可是故服從中央之義不可廢卽孔子尊君之義不可廢其道一也

說者謂尊崇總統與孔子尊君之義要有區別總統有不法行爲議院從而彈劾君主有不法行爲止於犯顏諫諍諍而不用則去耳何彈劾之敢言是

若處他誠實  
作後不能感厥

贊齊得門獨具  
從服非同子瞻  
想當然耳之也

得理因括是謂  
體貼入微

這妙而語趣令  
人解頤

故孔教可廢不知孔子居衛發正名之議孟子私淑孔子有易位之說辟則  
 爲天下戮誅則爲獨夫紂其視彈劾也或相倍蓰矣大抵孔子之教無所不  
 包自天子以至庶人悉在範圍裁成之內所以當日者詔告及門東周則曰  
 可爲南面則曰可使玩其語意殆卽近人口頭語人人有總統之希望有總  
 統之資格也况乎作春秋雖天王亦無所諱對哀公欲爲君深知其難此豈  
 執一者之所爲耶夫春秋爲君權尊重時代孔子生於其間絕無後世逢迎  
 之習假令以時中之聖處共和之世必將根據約法遵守憲法潮流所趨順  
 其自然可得以尊君識孔教乎

說者謂中國文弱原於孔教覆轍再蹈恐非所宜不知中國之弱實由於貌  
 襲孔教前代重八比八比豈孔教乎前代重試帖小楷試帖小楷豈孔教乎

現身示法不假  
他求

設喻冷雋

一拆便醒筆妙  
如環

以及財用不足武備不修廷臣但事招權使臣不能專對豈皆孔教乎夫孔  
教之成效往事可考矣會夾谷卻萊兵嚴兩觀之誅歸汝陽之田雷厲風行  
魯邦遂爲望國後世宗孔但以柔順爲文明而乏剛健篤實輝光之德甚至  
以振作爲紛更以晏安爲清淨講學者祇知溫故行政者難與維新教戰者  
未可卽戎使民者不能有勇逮至橫征暴斂以數國用割地賠款以聯邦交  
苗害並至善者莫可如何之時猶茫然不知貧弱所由來而歸咎於孔教是  
猶子弟不肖專歸咎於父兄學徒頑梗反歸咎於師傅甯不爲有識者所竊  
笑乎是則中國之弱非弱於宗孔實弱於不實宗孔也如果實宗孔子以區  
區百里之魯三月卽能大治况以天下之大而服膺至聖爲吾道壯于城隍  
世界於大同方將駕堯舜而追黃農又何強鄰之可畏



就現在時勢扶  
出其弊使之無  
均數閃

有機器者有機  
心宜爲國之寄  
也

科學亦爲孔教  
所包範更周匝

說者謂科學發明往籍無用科舉時代人材各省皆有以西儒衡之真腐儒  
耳竭數十年之精力爲無用之學飢不可以爲食寒不可以爲衣不如舍舊  
圖新出洋留學四五年之內卽可到處歡迎也如是則孔教可廢豈知化電  
聲光等學可以侈新奇而不可以救衰亂現在歐洲各國科學愈發達戰爭  
亦愈據烈雖曰環境使然要亦堅甲利兵以爲階之厲也則是物質文明有  
傷世界和平大哉孔子之言曰形而上者謂之道形而下者謂之器若但重  
器而不重道則器之利者有時而自殺矣貨之多者有時而坐困矣且孔子  
亦何嘗廢科學乎及門困陳蔡有如德行言語非設科教人之意乎刪書存  
禹貢首曰隨山刊木非後世測量之祖乎所以孔門弟子通六藝者七十有  
二人禮樂射御書數非科學而何惟是德成者孔教之體藝成者孔教之用

非謂尊孔教而科學可以從緩正謂尊孔教而科學之用神也

說者謂孔子環遊列國所行不過緣河數省之區域所見不過唐虞三代之

陳迹其平日所雅言者詩書執禮所不語者怪力亂神從孔子之教必使人

人無競爭心同歸於不識不知之蚩氓是愚民之政策也可無廢乎不知大

學一書注重新民不得目爲守舊黨攷工一記詳論制器不可謂非實業家

若夫識商羊睇吳馬望月知兩剖實驗萍辨防風之專車決商瞿之五子迹

其博學多能真存西大儒所不能及者此可爲知者道難與一二俗人言也

如必以航空潛艇之類現今世界日新月異而歲不同謂孔子繫易止言上

古弧矢之利未極後世變化之奇則是封神傳可高於四書西遊記可重於

六經豈非齊東野人之語乎

引證層出不窮  
而皆有妙解非  
泛談事實者可  
比

冷語亦妙語

就聖人言反詰是使明之口而

名存實亡確是不易之論

體本原上立論語長心貫

說者謂尊崇孔教或可借以靖內亂而漸不足以禦外侮時至今日中國不

瓜分者亦僅矣此固國人所共知也處岌岌可危之時猶守平平無奇之語

不幾如印度人之堅奉婆羅教猶太人之聚哭所羅門同一莫救危亡歟不

知孔教非婆羅等教可比孔子曰均無貧試問今之政策能均否孔子曰和

無寡試問今之人心果和否孔子曰矜而不爭羣而不黨試問今之上下能

消滅爭端否能化除黨見否孔子論足食足兵而要之以信試觀今之政體

朝令夕更果能昭大信於天下否嚮之宗孔者不過曰春秋祭祀云爾章句

咿唔云爾色取行違孔教名存而實亡而國亦將與之俱亡矣雖然易不云

乎其亡其亡繫於苞桑欲救中國之亡仍自實行孔教始所謂實行孔教者

非僅教之讀四子六經也根本之地培焉植焉人人心中有天理即人人目

中有孔子合乎孔子之道卽爲孔子之徒聖學賴以維持人羣互相親愛而國家苞桑之固亦於是乎基焉矣

說者謂孔教至今日所可宗者德育兩字而已然而良知良能與生同賦卽使無孔教安見夜氣之淪亡西國無孔教而人格多高尚中國有孔教而羣少信義是詩書皆文好之具有孔教不如無孔教也廢之便然共和肇造以來各學校持德育宗旨及修身學之講授亦已舌敝唇焦何以良知良能漸滅殆盡其究也諸侯各愛國不愛異國大夫各愛家不愛異家子自愛不愛父弟自愛不愛兄婦別有所愛不愛所天倫理之教蕩然無存天道回環剝極則復世界倫理之教合東西國之大宗教家問有高於孔子者乎人人親其親長其長而天下平犯上作亂無有也夫夫婦婦而家道正正家而天下

上論時病根  
再討論

推極其理所  
必至也故急  
於求其神鳴

平矣宜家教國可必也使倡言廢孔屏棄倫理上下平等男女自由行見楊教無君何有於總統墨教無父何有於同胞家庭革命夫妻反目奇形怪狀充塞兩間竊恐大亂將靡所底止

說者謂孔教不及耶教孔教微弱止行中國耶教澎漲遍達五洲耶教所行皆為強國與其宗孔毋甯宗耶現在教堂多於聖廟教友強於平民滔滔天下幾有逃孔歸耶之勢聖教或幾乎息矣倡言宗孔安有效力豈知耶穌舍生救世煦煦然以愛人為主揆諸魯論弟子入則孝一章已做到汎愛衆地步其於親仁一層尙待推行近來教皇勢力薄弱不能和解第一次歐戰天主福音尤有冰炭之勢矣若孔教者日本內山正如精研科學其論孔道多所發明英人李提摩太號稱明達鑽仰孔教五體投地法譯四子五經頒布

耶教其聖教  
一與探驪  
一與探驪  
一與探驪

更就外人之尊  
孔之反形中國  
之排孔兩相  
及其不攻自

能見其大  
出實際詞意均  
能從交關處道  
形其義之大  
也其之少

於國民美求政治哲學折衷於時聖海內深識之士謂五十年後孔道必有

西行之日凡以西人崇耶教如中國之尊老子敬佛祖悉是神道設教之意

文明進化智識日開久之自當生大覺悟而觀其會通乃知孔教無纖芥流

弊世界各國用之則治違之則亂蓋至孔教行萬國而全球大一統矣

說者謂今日外教林立中國欲興孔教宜立限制倘限制不嚴則見異思遷

終恐收效之匪易豈知聖人愈鈍而後利衆人愈利而後鈍昔者梁武帝以

佞佛亡身宋徽宗以好道亡國葡萄牙一意奉天主萬事皆囿亞拉伯逼人

宗清真積弱不振今雖各教風行論其實不過百分之一二耳若孔教者範

圍天地之化而不過曲成萬物而不遺不必與他教競勢力爭消長而歷久

彌光血氣皆在尊親之列何必過示限制乎夫道家則宗老子西教則奉耶

跟隨道理一經  
拈出便令人人  
首肯

蘇佛教則敬釋迦如來天方則拜謨罕默德其教兼容並收雖至不足齒之  
俗亦可以皈依彼教惟中國過尊孔子城邑有學宮鄉黨無廟祀敬之而適  
以遠之尊之而適以疎之無惑乎邪說橫行而盜賊滿天下也今欲闡揚聖  
道凡向時一切限制亟宜刪除俾愚夫愚婦皆得見宗廟之美百官之富人  
人目中有孔子斯人人心中有孔子雖曰未學吾必謂之學矣

說者謂今日宗孔宜行強迫教育并作教刑夏造收威古有訓矣奈與臨時  
約法信教自由之指不合何豈知宗教不足以盡孔子今爲維繫人心計李  
孔子爲國教自宜一至進行舉斯民而納諸軌物中強迫固屬難行嚴澤尤  
不可少前清教官虛選門生固屬非是近日教員俯就學生亦覺失宜况當  
此新舊過渡時代各直省往往自爲風氣藉非發揚孔教國基斷難穩固與

孔教歷久常新  
雖異族猶知崇  
奉意形中國掛  
孔之失

代舞畫處皆是  
正大通輝然未  
經道破時却為  
及以入會想所不

反賜一筆文勢  
頓宕

我聞此語心骨

其以法律為詩書不如寓政刑於德禮也昔元魏入主中國尊孔教蒙古人

主中國尊孔教前清入主中國尊孔教其人皆開國雄材有經世大略尙知

用夏變夷實力宗孔用能一道德同風俗共和新造尤宜宗孔若謂孔教加

入憲法環球各國執約法信教自由之條向中國政府交涉其亦總總過慮

矣各國憲法具在其信教自由與保存國教二者並載而不相悖我不能禁

外教之不入中國外教又豈能禁中國之不師孔子我自保教耳與人何涉

我自宗孔耳與人何害孔教一日不息中國一日不亡彼瞻前顧後者抑何

所見之左也由此觀之孔教何負於中國而可極力摧殘耶善乎文中之言

曰天地生我而不能鞠我父母鞠我而不能成我成我者夫子也元閔復之

言曰先孔子而聖者非孔子無以明後孔子而聖者非孔子無以法不尊孔



推尊此意極闊大

文勢至此如軍山萬壑赴荆門

孔子言中庸之  
德以數天下萬  
世中者天下之  
正道堯以是傳  
之舜禹以是傳  
之湯武以是傳  
之文武周公孔  
子生文武周公  
之後於中乎下  
加一庸字屬匹

子之教不可以為人即不可以立國夫後孔子而傳教於世界者天主天方  
兩教其勢力為最大然天主教之爭戰天方教之用心德人花之安論之詳  
矣惟中國孔子之教至大至公不迎不距可以行五洲可以教萬世乃華人  
數典亡祖厭故喜新欲廢孔教國欲治可得乎

風氣無百年而不變學術隨萬國為轉移甘肅地處邊遠自應力求開通孔  
子不嘗云乎溫故而知新可以為師矣然一以開通為事不顧本原之所在  
勢必宗旨岐出邪說朋興大為人心風俗之害本原者何孔教也固人人心  
中所具之天理非孔子所創造特天理為人欲所蔽致失其固有之良孔子  
為萬世開太平示人以大中至正之道順之則存逆之則亡存亡之機人禽  
之判視乎心術為何如耳各學校教習生徒非不知尊孔為重及起而環視

夫匹婦可以與  
不為要人人心  
中死則理在即  
人有天理在即  
乎人心中有孔

所引皆甘肅已  
往之學字字化  
為血淚聲聲擗  
到誠心開新語  
若能無偏倚焉

四境自專門學校以至初級大率形式具而精神少空談盛而實學衰或以

敷衍為具文或以激烈為宗旨鄒魯儒術之士棄捐於世而游說權謀之徒

見貴於俗所派出洋學生根抵既未鞏固文字又未研求凌節而施致多流

弊學成回國與孔為敵敢為無忌憚大言使風俗人心日趨於浮偽中國前

途危如累卵

昔夏人蠲起朔方所據者甯夏一隅河西四郡及陝西邊界而已國中大修

孔子廟及其後復尊孔子為帝以蕞爾彈丸地與宋相持二百餘年蓋其政

令所從出之處有本原在非偶然得之也非惟西夏為然也明崇禎時流寇

李自成陷甯州入城首謁大成殿清同治時回匪馬桂源署西甯府重修孔

子廟况文化發原之地義軒產生之區我漢族優秀不求其本而蹈暴秦阮

作者新錄以起  
故借鄉賢以起  
一與王潛夫末  
百年之耳目數  
起虎視中其  
為郡守者猶其  
事以存其遺蹟  
可觀也耶

儒焚書之覆轍恐為夷狄所竊笑矣善乎日本人之言曰孔子之道中國奉

其名日本行其實蓋中國以為命題作文之具日本以為修身治國之道此

猶科舉時代之言也自科舉廢學堂立真宰淆異說橫其命題作文之具別

有蓋皮書孔子之道已成棄言矣又查日本經緯學堂以東亞聖教為經以

歐美各科學為緯我所棄人獨取我所輕人獨重何日本人之尊孔如此其

極也誠以孔子之道如日月經天江河行地凡有血氣者莫不尊親此其所

以為至聖歟我中國之內亂不休自亂之也如欲平定天下舍孔尊其何以

哉

東漢桓靈之際臨涇王符箸潛夫論三十六篇今鎮原縣城北有臺澗然潛

夫讀書處也金世宗大定間原州守就其遺址建亭其上非但為州閩壯觀

陸平程天錫  
三不加周批

先生天資聰穎  
幼有文名通經  
博學以粹為不  
能一以世於  
今時以世於  
立其為任故  
下正堂之陣  
正之左其法  
職而左其突

亦使一方之人因其遊覽得登斯亭遙想君子之遺蹟不忘其風化何令人

如此其景仰也豈不以讀孔子書受孔子戒其所論著粹然悉出於正後之

人感念不忘一臺之微猶以為有關風化况孔子而為萬世師表乎哉

尊孔論下

慕壽祺

環球萬國宗教不同而要能各宗其教以膺其民人而保其國家則皆同何

則國由人而立者也國無人則不國人由教而成者也有人無教則不人教也

者所以人其人而國其國也雖然同一教也有行之久而其國興者有行之

久而其國亡者有教先亡而國與之俱亡者有國已亡而教猶不遽亡者毋

亦各教之中有異同而亦有得失乎儒也佛也耶也回也其與人為善之旨

一也然尤切於民生日用行之數千年而毫無流弊者宜莫如我中國之教

中國之教何教乎孔子之教也孔子之教何教乎倫理之教也孔子聖人也聖人人倫之至也孔子亦何嘗自爲宗教特舉伏羲黃帝堯舜禹湯文武周公相傳之大道而集其大成又本日用倫常之理以教天下萬世故答齊景之問先明臣父子論君子之道獨重子臣弟友所志在老少朋友所事在父兄公卿所誅在亂賊臣子晚年刪詩書定禮樂贊周易修春秋天經地義靡所不包總之不離乎倫理之學者近是是則孔子之教也未有孔子以前教在君相唐虞之世契爲司徒教以人倫夏商三代繼之曰校曰序曰學皆所以明人倫也人倫明於上小民親於下若是者謂之政教既有孔子以後上失其政教在師儒周秦以降若漢之董孔唐之陸韓宋之周程朱張明之薛王黃顧類能疏經編史成一家言醇疵不無小異而爲功於名教則一也若

是者謂之儒教由孔子而來至於今二千四百有餘年矣言政教則有人存  
人亡之判言儒教則有君子小人之分以故道有污隆治有升降一治一亂  
迭爲乘除然而亂極復治理有固然尤執厥中心傳未墜故自秦漢而後羌  
戎好弄干戈生靈屢遭塗炭而版圖日以式廓社會日以安甯者果何術以  
致此乎則以我全國之人尊重孔教世雖亂而信仰之心則如常也溯自魯  
哀哭誅聲設廟堂漢高設儒偏隆祀典武帝黜百家而尊六經明帝詔郡國  
立學校卽至不道如魏晉割據如六朝尙皆廟諸辟雍祭以太牢唐宋元明  
及前清尊崇尤至文廟之例附設明倫堂尤得孔子之要世亂復治職是而  
故耳中外交通以來西國諸大儒游歷中國研究孔教共仰高山見諸筆記  
民國肇興遠法唐虞選舉總統極有合於孔子天下爲公選賢與能之說大

此篇似為有  
情者而作始  
終不竹揭明  
柔教厚得於  
嚴有深矣言  
有物聞者足  
戒

道之行期在今日方期孔教普及全世界凡有血氣莫不尊親藉債生平春  
 秋大一統之宏願此其時乎不謂國基未穩竟有喪心病狂者流大倡游言  
 欲舉中國數千年無量數賢人君子相維相繫之孔教一朝而推翻之聽者  
 不察遂謂中國貧弱緣於孔教其學為不能進化之學其書為君主利用之  
 書非詆之曰腐敗毀之曰專制使淺見寡聞之徒不敢異議而又援據外人  
 平等自由之說穿鑿附會使血氣浮動諸少年喜其妄誕長其驕恣倡予和  
 汝概表同情由是爭權爭利犯上作亂之風徧於全國流血十年因有底止  
 嗟乎孔教將滅中國垂亡往古洪水猛獸復見於今日嗟乎時勢至此不思  
 救弊補偏而悖孔疋孔者惟恐聖教之不亡日為無忌憚大言是亦妄人也  
 已矣於禽獸又何難焉雖然是不可以不辨夫中國近數十年來非真能實

夏禮子朝其父  
 親身執之固不  
 自以禮法之徒  
 乃禮教之非徒  
 以不能容納故  
 致操同室之戈  
 所過諸城皆望  
 風下納恐其害  
 率陰遠誘令青  
 年子弟手刃父  
 兄以表示其堅  
 決是率獸而食  
 人也若不改變  
 方城勢必潰成  
 禽獸國家而後  
 已矣孔家店已  
 打倒矣將以何  
 者範圍人心

行孔教也孔子言新民而後王政策則主愚民孔子言知新而後儒師術則  
 主守舊孔子言格物致知而撥高科登顯仕翰林主人風流儒雅者乃除八  
 股試帖小楷而外竟至一無所能一無所知推之財不足用不考究孔子來  
 百工之法而國貧矣民不即或不探討孔子教民戰之術而國弱矣貧弱皆  
 緣於違孔教而反詆攻孔教是猶不率教之子弟詆其父兄曰昔之人無聞  
 知也甚矣其誣也由是觀之孔教非舊審矣雖然天不變道亦不變孔教行  
 已二千餘年不得謂非舊也特舊在道不在藝道猶人之身體歷萬世而不  
 變者也藝猶人之服制歷四時而常變者也今人以改變服制之故而並欲  
 改變人之身體是削趾適屨斷鶴續鳧諸行爲也豈不大可怪哉至若詆孔  
 教爲專制謂孔子尊君太過大不宜於民國此尤亂國之邪說夫六經四子



所言民貴君輕文義不可勝舉大學傳授心法之書天子庶人修身同等釋  
治國平天下而於民好民惡得衆失衆三致意所重民可知矣鄉黨一篇所  
記事君盡禮之處尤足以爲民國法莽莽五洲芸芸衆生孰主宰是孰綱維  
是惟天生民有欲無主乃亂今之總統卽昔之皇帝而變其名稱名稱雖異  
要之皆元首也移孔子尊君之義於今日卽爲舉國一致服從大總統而方  
鎮跋扈南北分裂之局吾知免矣今以名稱改變之故而謂君不宜尊是與  
謂今之總統不宜尊何以異斯言出而輕忽總統與悖叛總統相因而來矣  
國欲治可得乎由是而平等之說起矣夫仁義忠信謂之天爵平等者也公  
卿大夫謂之人爵不平等者也瞽瞍殺人皋陶執之平等者也宰孔賜胙齊  
桓下拜不平等者也凡以道德平等而爵秩不平等法律平等而禮儀不平

等而正於不平等之中仍寓平等之精義類如孔子之言絜矩前後左右勿惡勿施乃所謂平等也非然者上下平等而冠履倒置尊卑平等而天澤無分是直以倒行逆施爲平等也可乎哉由是而自由之說起矣夫跋前疐後踰天踳地動輒得咎不如無生人亦孰不愛自由但自由宜在法律之中不得踰乎法律之外在君子則爲素位而行無入不得在小人則爲手足有措率履罔愆非然者自由言論而興戎自由行動而越俎是直以肆無忌憚爲自由也可乎哉今者平等自由之說行天下矣人人有非分之希望而元首可以不尊人人有作師之思想而校長可以不選人人有作官之志願而貴踐等威可以不辨甚至子自由事父而可以不孝弟自由事兄而可以不恭婦自由事夫而可以下堂求去而朋友之自由翻手作雲覆手作雨更不待

民國元年冬蔡  
大愚隨教育司  
馬鄰翼來滬演  
說共產主義為  
提督馬安良所  
錫在六年春王  
孝錫在省女師  
範學堂與合男  
女數百人大聲  
疾呼要推翻孔  
教而以仇辦仇  
母為入手辦法  
不如此便非革  
命青年是年五  
月青年社首領  
賈宗周合其妻  
任滿州市提倡  
裸體游行是與  
禽獸之不如矣  
是編之作其在  
此時也乎

言矣不甯惟是賄賂者人生所不齒也今則金錢運動舉國同風大開苞苴  
之世界詐騙者世俗所羞稱也今則機關報章虛構事實釀成鼓吹之官場  
禦侮者對外之常情也今則鵝蚌相持頻年不休甘送漁人以利益政客道  
遙乎海上纏腰萬貫閒情愛野鴛鴦好官暇豫於署中脫手千金勤勞在闔  
麻雀處處金戈鐵馬耗盡小民之脂膏時時炸彈手鎗了却偉人之性命三  
綱淪九法斃五經掃地四維不張率天下之人事事與孔教相違背其尤甚  
者且甘為禽獸之行使賈太傅尚在更不知若何痛哭流涕長太息矣夫孔  
子之所以教天下萬世者倫理也有倫理則為人無則為禽獸今有人焉居  
心破壞到處焚燒使子弟加刃於父兄妻妾割愛於所天是禽獸也自古惟  
人可以治國禽獸不可與同羣禽獸之巢穴雖甚廣大終有山澤焚燬之時

治乎禪成始終  
佛道天造地設  
使正詞嚴推倒  
墨墨攝朱扶起  
歸公孔子

禽獸之種類雖極繁多盡在天演淘汰之列悲夫悲夫吾初不意五千年神  
明之胃裔至今日而半夷於禽獸也雖然禽獸亦有辨焉為威鳳為祥麟為  
南漠大鵬西極天馬良足寶貴為鷹揚為虎嘯為秦之利嘴長距吳之封豕  
長蛇猶之可也若夫為狗犬為黔驢為敗羣之害馬為加冠之沐猴人且非  
之笑之今以人而甘為禽獸之行養成殘忍之天性推倒鄒魯之聖教窺其  
所為反禽獸之不如豈不大可哀乎孟子曰人之所以異於人者幾希庶民  
去之君子存之又曰無父無君是禽獸也今之天下一戰國之天下也故欲  
救今日之危亡必自人不為禽獸始欲人不為禽獸必自教以人倫始欲教  
以人倫必自尊孔始此不佞下篇之所由作也

肅州防軍變道尹楊丙榮酒泉縣劉錫鑫道

酒泉舊名肅州時張和遜為肅州鎮守使鎮標有防軍四營第一營營長李宗

胡文身上海縣  
人隨張勳來  
甘所到之處  
絡紳商故能  
驗若夷

網駐木城第二營營長張永桂駐高台縣第三營營長周炳南駐嘉峪關第四營所部駐  
關外之敦煌縣肅州西南有文殊山兩山南北對峙泉水中流昔人多鑿洞穿穴繪塑佛  
像有韓道人者住此三十餘年其人善醫卜熟於前清掌故言之如數案珍政學兩界多  
識其人李宗綱所部舉蘭人居多休沐日輒遊遊寺觀見文殊樹木葱蘢殿閣清幽與舉  
蘭山大致相似兵士亦於此消遣道人款洽勝勤久之交稱莫逆道人嘗言肅州將爲省  
會又言張勳復辟習雖失敗必有繼而起者吾夜觀天象長庚星甚明此地當有偉人出  
焉兵士疑信參半惟道長彭振武亟爲崇拜對兵士曰師傳所言不虛故兵士亦願列門  
墻久之全營軍佐日往文殊山議事道人乘此時機倡復清名義謀舉大事適張和遜進  
省道人聞之大喜曰此天助我成功也李宗綱耳有所聞以道人勾引軍隊破壞地方捕  
而訊之並搜獲名冊道人直言不諱即行槍斃又遣馬弁捕連排長皆冊內有名者也反  
側子不自安遂詳變宗綱跳而免變兵三百餘人公推彭振武爲首領搶鎮署庫中槍械  
縱放獄中罪囚時道尹楊丙榮縣長劉錫鑫出城逃匿此十一月二十八日事也是夜紳  
商被劫者數十家以東城關爲僞司令部城門封鎖電線不通次日變兵挨戶索財人人  
自危商務會會長齊耀庭舉胡文蔚爲民衆代表往謁彭振武胡文蔚者邊防司令部參  
謀也與彭有一面交乃挺身往請見之請求制止軍人毋再搶掠軍需品由商會供給彭  
許諾文蔚出謂人曰吾入司令室見元寶堆積如山煙土踐踏成泥弟兄高唱秦腔土娼  
輪流侑酒似此行爲  
其敗也可立而待

慕壽祺曰天下之疾惡彰而防患疎者多矣哉李宗綱既誅禍首韓道人所獲名冊應即  
付之一炬使反側子自安計不出此而鹵莽從事被捕者事急智生蓄疑釀變其不死於

兵者亦幸耳而地方則元氣大傷矣

十二月營長周炳南呈報復肅州

張和遜之子某於兵變後藏匿民間過三日聞稽查稍疎乃往嘉峪關效秦庭之哭炳南遂馳入肅州以

距離最近故也先是胡文蔚縋城而出往高臺請兵營長張永桂率所部一晝夜行三百餘里比至城外聞炳南已著先鞭矣

劉錫鑫楊丙榮殺前安肅道陸廷棟並籍其家

廷棟係長白旗籍家居北京順成郡王府之西前清末葉任安肅道安肅

者肅州直隸州管轄一曰高台安西直隸州管轄二曰玉門曰敦煌合之則歸於一道地與新疆鄰又有嘉峪關以為保障故較他道為尤重廷棟蒞任以來能得人心驟遭改革自知滿人為革命家所不容請復本姓曰陸民國二年春改安肅為邊關道是年秋周務學署邊關道道尹廷棟交卸後僑寓酒泉從此經營商業購駝數百頭令其次子販土於包頭及張家口其歸也將京寓所藏珍重物品陸續運至酒泉內有真人參若干斤廷棟前官奉天時所得也廷棟家世為顯官儲藏甚富益以多財善賈獲利又甚豐酒泉人遂謂廷棟財產約值百萬時有韓道人者粗通文字善卜筮往來於士大夫之家廷棟亦與之交道人言於衆曰地方若安甯除非觀察廷蓋冀廷棟之再官舊地也張勳復辟廷棟聞之大喜置酒約紳商席間對衆而言曰吾嘗謂有前清必有後清君等不信今果然矣已而馬廠警師張勳敗走荷國使館廷棟自慚其言之失杜門不與人往來惟韓道人時相過從廷棟以其善卜也詢故主安否何如又嘗以官統復辟時引見名單示道人不知者遂以宗社党目之及周炳南克復肅州縣令劉錫鑫道尹楊丙榮始出而見人錫鑫為

陸廷棟未敗以前人勳其開關酒乘到蘭州駐不惟財產不發生命上絕不發不聽命而廷棟之世而或以危亡之虞或以當而或以知止當

以印忍皆以其  
言逆耳而不之  
信及其亂亡則  
及追思其言則  
何矣是故早  
見而防未然者  
謂之豫廷棟守  
錢房耳是足以  
此

都督妻弟顯有所恃聞廷宅變兵未入不勝咤異逢人輒曰陸與變兵通當即謁見楊丙  
榮謂兵之敢於譁變者城內有人為之主謀耳余已得其底蘊刻下所最要者宜先辦善  
後丙榮詢主謀為誰錫鑫拍案而言曰主謀非他即大資本家宗社黨首領前安肅道陸  
廷棟也不去慶父魯難未已丙榮意涉游移謂此事必有證據不然莫須有三字何以服  
天下錫鑫曰公真憤憤廷棟與韓道人祕密往來道人嘗云地方若安甯除非觀祭廷其  
宅中又有引見名單此非其證據乎變兵雖出嘉峪關萬一捲土重來擁戴廷棟道尹一  
席已屬他人矣丙榮乃與錫鑫謀遣營長周炳南往廷棟宅相機勸辦炳南問省城有無  
公事丙榮曰軍官以服從為天職速去毋多言廷棟聞道署派軍官來恐其辭以病炳南  
排闥入晤廷棟曰奉長官令以公在酒泉頃變生意外幸秩序已恢復可出而辦善後廷  
棟曰吾老矣向不干涉地方事善為我辭焉炳南即起廷棟送詣大門之外客已上馬矣  
主人鞠躬行禮馬上忽發一槍廷棟仆其子聞槍聲出救炳南又發槍于亦死次晨廷宅  
正辦喪事軍隊包圍之捕廷棟第三子其眷屬揮之出不許帶一物所有財產運至道  
縣兩署  
封存

附錄宣統復辟時臣僚引見名單內閣議政大臣直隸總督北洋大臣張勳  
內閣議政大臣袁大化劉廷琛外務部尚書臣梁敦彥參謀部大臣王士珍  
皆兼議政大臣總管內務府大臣繼祿頭品頂戴弼德院副院長臣康有為

時什高軍政長  
官制已電發  
六部設萬  
一官制令察  
一官制令察  
一官制令察  
一官制令察  
一官制令察  
一官制令察  
一官制令察  
一官制令察  
一官制令察  
一官制令察

署理民政部尙書左侍郎兼署京師巡警總廳廳丞臣吳炳湘內閣閣丞萬

繩杖步軍統領兼管京師稅務監督江朝宗學部尙書沈曾植陸軍部尙書

雷震春理藩部尙書貢桑諾布爾順天府府尹王達日講起居注官翰林院

侍讀學士薛寶辰理藩部左侍郎達壽前署理長江水師提督張敬堯前任

蒙古正紅旗副都統馬龍標前學部左侍郎宗室寶熙前度支部左參議劉

世珩前任山東巡撫孫寶琦前授江西九江府知府宗室璞良新授馬蘭鎮

總兵兼管內務府大臣熙彥鑲紅旗滿州都統定成副都統烏拉喜春蒙古

都統治格鑲白旗漢軍副都統崇山正藍旗滿州都統志錡右翼總兵袁德

亮幫辦奉天軍務陸軍第二十八師師長馮德麟此項名單電傳到甘前清

官吏聞之眉飛色舞以為聖天子在上可以出而仕矣於是蟒袍補褂招搖



過市私往萬壽宮行三跪九叩首禮巡按使於倉卒之間苦無珊瑚頂不惜重資托人物色甫經製辦復辟打消而甘肅人心已搖動矣後三年遂有定西馬武舉之事

幕壽祺曰民國二十年來海內所稱爲富豪者其家資數十倍於陸廷棟者不知凡幾一轉瞬而身死財散矣悻入悻出自作之殃殺人殺相酬之道向之百計巧取適以自戕多歲厚亡此之謂歟廷棟家資先世所留者有之經商所得者有之充其量不滿百萬之數在酒泉人目之晉石唐王琪不是過也一朝兵變殃及池魚財產不足惜而子嗣被殺家屬流離覆巢之下焉有完卵聞者亦爲之欷歔矣

以張永桂署肅州鎮守使

初周炳南克復肅州晉軍大爲稱許未及呈請中央卽升爲陸軍少將並擬張和之辭呈到省委炳南署肅州鎮守使及

聞廷棟被殺遂撤銷陸軍少將至是以永桂鎮肅州

慕壽祺曰民國六年袁氏既倒共和恢復隨上人民莫不額首相慶未幾徐州會議甘政府派員前住表示贊同及張勳復辟省城已灑掃萬壽宮預備朝賀而馬廠督師推倒復辟當是時內則黨派傾軋有加無已外則軍閥割據愈烈大總統黎元洪受軍閥之牽制一籌莫展政令且不出於國門邊論邊遠至於制憲事業亦因軍閥之壓迫無復有完全之望芸芸蒼生從此永無甯日矣

是年取消各縣警備隊以鄒元良爲甘肅警務處處長

先是民國三年政府通令各縣將舊有巡警改爲警

備隊以本管鎮守使道尹爲警備隊總司令縣事爲警備隊司令每縣設警備隊長一員以有軍事學識者呈請省政府委任所募警備兵服灰色軍衣操法與陸軍同是爲地方軍隊常年經費由人民應納正糧項下帶征每征糧一斗附征警款洋若干隨地方情形規定至是政府又通令將警備隊改爲警察所省政府奉令後將各縣警備隊一律取消

西康與雲貴兩  
省均產燕麥但  
不及青稞之多  
開東之給饒麥  
即燕麥也

消委鄭元良為甘肅警察處處長元良任職後籌辦各縣警察分三期完全成立第一期  
各縣先募警察三十名以縣知事兼任警察所所長設警佐一員駐縣城由警察處處長  
委任巡官巡長駐外鎮薪餉服裝  
雜費仍照警備隊由正糧帶征

附錄慕壽祺聞省城警察處成立人民負擔可省減輕喜而成詠其詩云赫赫金吾意氣  
橫黑衣小隊繞街行城門失火殃無及衢路遺金拾不成鄒國何曾見蛇鬪秦關難再度  
雞鳴生機一線今還在民衆欣欣負擔輕前辦警備隊時酒泉一縣定額三百名全年經  
費悉取諸地方現在先募警察三十名則省去十分之九未識富道諸公能恤民艱否

戊午七年春正月以馬廷勳為涼鎮守使  
至十七年夏五月廷勳為  
國民軍取消走黃城灘

二月西甯鎮道勸番民試種燕麥  
西甯縣西北百一十里有燕麥川相傳草味初開地  
氣稍寒止產燕麥故名大通縣亦有燕麥川與西甯

燕麥川相連僅隔一邊牆耳至清乾隆時生齒日繁氣候和暖昔之止產燕麥與青稞者  
俱種小麥矣番民食糧以燕麥青稞為大宗炒熟磨為麵粉拌以水用手搓成餅形食之  
視為珍品然皆購自內地往返維艱所費亦多現在都蘭大河壩等處募民開墾鎮  
道會銜出示勸番民先行試種並派員演說種植之利益由通事緝譯俾眾聽之

案爾雅蕭雀麥郭注雀麥即燕麥有毛是即穆天子傳之燕麥內經之遡師

郭義恭廣志之析草孟康漢書注之斯禾張華博物志之蒹草也楊升菴以

學由江語人曰  
 舉者常想飲頭  
 谷其夢釋量既  
 併若耶溪活潮  
 井包文亦幾乎  
 少紫其鹿幾乎  
 燕麥光無故實  
 一入先生之手  
 便覺酒多不病  
 查所見者多故  
 考據自然精確

江淮所進之烏味草當之糝矣武威張介侯官貴州時所著續黔書謂羅鬼

國禾米亦佳土人以燕麥為正糧燕麥狀如麥外皆糠糝內有芥子一粒色

黃可食羣苗以此為麵每人製一羊皮袋盛數升塗饑輒就山澗調食謂之

香麵其地賴此甚多古語云兔絲燕麥徒有其名殊未然也博物志謂人食

燕麥骨節斷解者亦安

三月始行植樹典禮

此甘肅行第一次植樹之典禮也前數日由大林區總辦羅經權演說約分四項一地質之不可  
 使及各機關首領齊集五泉二郎廟行禮畢首由巡按使講演植樹

之關係在甘肅尤為當務之急最後大林區總辦羅經權演說約分四項一地質之不可  
 不考也西人種樹為專門學其理深粵其法紛繁而要以求地質為入手辦法蓋地有

多沙之士有石粉之士有潮溼之士有高亢之士其質不同其樹即各有所宜故樹多油  
 者宜種山地多汁者宜種沙地皮厚者宜種平地根深者宜種黃土地細密而白者宜種

潮溼地粗稀而白者宜種高亢地得其地則欣欣向榮材木不可勝用矣一種樹之不可  
 太密也太密則枝葉交加礙難條暢馴致萎糜農桑阻礙土葉之興盛過仰商葉之暢銷

殆有不可殫述焉况太密日久則必生火災蓋樹多難免枯槁枯槁則伏電氣伏電力厚  
 忽遇外電相觸即能自焚嘗觀山野之間往往有數百年老樹時值冬令忽致焦烈由伏

蘭州所以立女  
師校者合大家  
秀小童五  
一室如教育

電甚猛寒氣相逼而發不知者以為雷擊誤矣一禁令之不可不嚴也各國於森林所在無論屬官屬民與明生植物暗生植物及其成活皆力為保護禁其採伐護持之謹一如愛惜嬰兒中國官酌仿其例規定禁約鄉鄰明伐罰其父母牛羊踐踏責令牲主包賠城邊驛路官為保護之溝河山場以及池畔村旁地頭徑側地主自保護之又或盜伐官木放火叢林時出於奸宄之徒仇怒之家官認真緝拿以示懲戒而儆效尤一種樹之獲益非淺也甘肅地廣民稀最宜種樹管子曰十年之計莫如樹木且樹木繁盛之區人身吐能濁氣樹木受之則肥沃樹木發出清氣人受之則氣血得養可免瘟疫且其氣上昇即能興雲致雨而一切扞止土沙防衛風潮除避水害防遏風沙猶其小焉善也甘肅亢旱之災無歲不有若植數十萬株於尋大之山四交之衢其氣感召於上霖雨沛然西人所謂涵養水源者其言當不虛也

暮壽祺曰余遊東南諸省見夫林深密早曠之嗟殆其免乎甘肅山陵之區數月不雨人即恐惶雖曰天氣亢旱究其原因未始非樹木稀少之所致田家父老嘗為余言農民亦知種樹之益其如令不嚴何故朝種而夕拔矣今日者提倡種樹培養宜勤禁令宜嚴西人謂樹身之皮肉筋膚脂膏血膜皆與人身相似無故伐樹木其罪與害物殺人等斬伐一方之樹木其罪與戕殺一方之人民等甘肅果能仿照辦理庶林木易致蕃昌不出十年蒼然蔚然彌望無際矣

### 省立第一師範女學校成立

先是民國二年女士吳慧慈胡振華見甘肅男子方面有法專一中一師等校女子未免向隅遂於南府街租房一

處創辦女子傳習所其時風氣未開來學者僅二十餘人三年鎮原田有璧畢業北京高等師範回省吳胡兩女士以力量薄弱聘育璧為傳習所所長四年改傳習所為女子初

之實其家  
既為其  
子為其  
婦實之  
耳實之  
而實之  
植女之  
本堂

級師範招女子師範簡易科一班五年春續招女子師範班一級學生八十餘人至是由  
南府街遷移新關成立全省第一女子師範學校經費確定校址擴充女學前途日見其

進於是西甯甯夏天水狄道均設女子師範平涼  
鎮遠崇信靖遠等縣女子高小學校亦相繼成立

案後漢安定皇甫規妻馬氏善屬文能草書時為規答書記三國羌令趙昂妻王異天水  
人有智謀晉通渭秦嘉妻徐淑能詩與其夫相酬和十六國西京武昭王李嵩后尹子天

水冀人也幼好學清辯有志節北魏涇川貞女兒氏守禮履節不敢失身其穎秀知文見  
各郡縣志者多不可勝數要在教育中來也自後世衰足之風盛而女學失傳前清光

緒庚子後端方召見時力言女學為教育根本亟宜提倡以為各省之導西太后准將西  
山旃檀寺作女校無論華族編閩皆可就學於是西城二龍坑瑞氏寶氏均出資設女學

報房胡同劉某亦設一女學堂時甘肅提學使陳曾佑擬於省城設初級女子師範午時  
請白話報早晚讀書識字俟文理稍通再加英文算學等課長甘者以女子無才為德禁

不令讀書識字遲之十年  
至民國初女校始有基礎

慕壽祺曰教人子弟無論男女未有不愛其聰明者而孔門一貫之傳乃歸

於曾子論語不嘗云參也魯乎佛家五祖以袈裟度世於五百人中必擇一

純漢予之古之權奸誤人家國遺醜千秋當其出身之始皆聰明絕頂人也

以此推之青年少婦失身於人如漢之卓文君蔡文姬唐之魚玄機薛枝書  
才有餘而德不足豈非聰明之誤用耶故女生貴德不貴才

### 夏四月吳攀桂呈請蘭州復絨褐舊業

蘭州舊產絨褐以羊毛絨織之其初僅為庶民職者之服故常貢之所不及逮其後造為

織金妝花之屬五采閃色之華人始貴之一袍費至百金一疋價十餘兩內絨染局以蘭州絨褐之可為御服也明嘉靖初大監梁誠奏請開織造局於西安取羊絨於蘭州所帶匠倣人等假借聲勢生事擾人之害難保必無且蘭州近遭寇虜又值年荒楊一清上憫人窮恤人言以昭聖德疏請將差去太監梁王取回久之乃停辦有清一代蘭州絨褐仍盛行其細而有絨者為姑絨文武官更多以之製缺襟袍其無絨者為褐尖細而簿者為平機絨次則為疊褐又次則為牛毛褐普通社會以其價廉均堪服用同治初河州同亂舊時業此者一概停歇今所服用者秦安褐耳蓋秦安一縣織褐之人多行銷於陝西四川然亦無及蘭州姑絨褐與尖平機等褐之佳者攀桂所統新建左軍冬季棉服用本省毛織品秦安存褐為之一空惟軍官制服仍仰給外國貨乃呈請當道恢復絨褐舊業以抵制外貨之輸入略謂吉利花未入中國以前夏則服葛冬則衣褐習慣成自然矣甘肅地高而寒褐最相宜故織褐之處亦不一而足究以蘭州絨褐為最細柔雖停歇而故家猶有存者請從省城設廠仿照辦理以洪軍用以挽利權大吏以其迂闊置不答

案物理小識羊絨褐以蘭州姑絨褐為上次曰褐尖劉客生曰蘭州一師姑積年為之色白可受紅花百斤後多仿者又江南溟嘲徽人方干魯詩愛殺蘭州乾韃絨寄來春後遲

裁縫寒回死等桃花雪熱透生憎柳絮風忽地出神尋細脚有時得意挺高胸尋常一樣  
方干魯纔著絨衣便不同蓋干魯以造墨起家多搢紳交長安貴人寄蘭州絨於方時已  
四月矣方急為製衣服之以誇  
示賓客南溟好諛諧作詩嘲之

慕壽祺曰青海游牧之番所織各色氍毹純以羊毛絨為之工細而價昂購之不易宜於  
民者其惟褐乎甘肅出褐之地亦多矣不備秦安一縣已也蘭州則有狄道河州隴南則  
有伏羌通渭西甯則有會德滄源隴東則有慶陽合水其人民皆織褐而上流社會無人  
服用故不肯精益求精求精工者生計日時艱恐洋貨之銷路口廣農家之生計愈絀呈請提  
倡土貨事雖未行而衣被蒼  
生之冀乃在行伍間也異哉

### 六月援川軍司令吳攀桂率兵赴天水

前四川將軍劉存厚為其部下所逐率殘部  
至陝西甯羌州政府為保存威信計促令回

川存厚辭以兵單政府以蜀隴唇齒交誼素敦令甘肅派兵護送乃以新建左軍統領吳  
攀桂任為援川軍司令比至天水知存厚行期未定即將所部七大營在天水駐紮攀桂  
曰兵宜動而不可靜况從此入川鳥道崎嶇行頗不易令吳繩祖丁耀等教以平地競走  
山地競走各步法至大小軍官則設臨時講武堂照陸軍課本及蜀隴輿圖日講論而研  
焉究

慕壽祺曰甘肅競言新軍事學矣其器械精利步法整齊誠為前人所不及



而科條亦稍密矣使枚乘相如而學今日之白話則必不能成其文章使孫武吳起而用今日之槍礮則必不能運其權略班勇有言曰不尋出兵故事而欲要功荒外萬無一成攀桂來自北洋軍事學已得於心而應之手矣而講武堂功課多取前人取蜀之法而師其所長則所以教其軍官者夫豈無用之學耶

### 省政府令隆德縣修六盤山車道

六盤隴山之支峯也古謂之絡盤道其山森壁軼雲竦巖插漢石將頽而更綴路若絕而復通所謂宵窺

而曲剝窟其高者客自平涼來由瓦亭首途行四十里地名和尚鋪即六盤山麓行人至此皆挽衣踏石而上後人見前人履底前人見後人之痕延緣拗折久之乃躋絕巔此地舊有元太祖避暑宮清光緒間陝甘總督陶模建六盤古塞坊西望隆德縣城據說來店主人云尙有二十五里行李車至山麓必須掛套蓋合數車稍驟共曳一車又必善御者駕之行人候車心急俯半山人馬如蟻行者憊者遠近透迤陣演率然矣候至車馬到齊復盤折而下石磴蒼滑樹杪雲橫深壑小語高聲如響其險也如此本年自入伏以來陰雨連綿路被水刷重車至此易致傾翻省政府聞之令隆德縣知事派民天修路

秋七月撤消酒泉邊防司令部

以歐戰結束故也

案西曆一千九百一十四年即中華民國三年六月二十八日歐洲奧大利太子被刺凶手係塞爾維亞人此事牽涉塞政府與塞兩國遂開戰俄和塞是同種德和奧是同盟法和德有仇英和德又爭霸比利時不許德人借路攻法是年八月一日德向俄宣戰三日德向法宣戰四日德宣告與比利時開戰英於是日向德宣戰六日奧向俄宣戰塞向德宣戰十二日英法向奧宣戰日本和英同盟也加入戰團時則八月二十三日也於是年十一月間日本攻陷德之青島此次戰事延至四年之久德奧方面稱爲同盟國英法方面稱爲協約國協約國凡十有七除英法俄比意塞日美與中華民國外尚有門的內革羅羅馬尼亞亞葡萄牙希臘暹羅巴西古巴巴拿馬等國土耳其

其勃加利亞皆與德有密切關係所以也加入同盟總計兩方出兵額數協約國三千七百萬同盟國二千五百萬人死傷兵數協約國一千四百萬人同盟國一千萬人戰費總數每日二萬萬元四年三千萬萬元協約國三分之二同盟國三分之一美國出兵計二百餘萬人華工至歐洲戰線從事掘壕及在工廠製造軍械者前後共去三十萬人美國共用兵費一百萬萬元其借與協約國款項共一百五十萬萬元其結果協約國戰勝德國一敗塗地割地賠款六百萬萬馬克海軍除自毀外全數繳出至歐戰之原因復雜見梁任公歐洲大戰記茲不復贅

九月甯海軍結束拉卜楞寺番案

先是循化所屬拉卜楞寺之亂實阿莽蒼一人釀而成之阿莽蒼者拉卜楞寺之賽仔羣也故築結遠反

其活佛四世嘉木樣之教劫掠恣睢乾沒寺院管家李金巴產僧衆多咩異馬麒出而調解不獲效且曠番曾走劫蒙商與河南諸親王福晉等怨讎尤熾親王與金巴弟替控訴

於中央事久不決鳩集南番阿木粗呼番拉咱由等二十四寨及桑科和等番族花亢昂  
欠逆僧數千衆圍他窪督軍張廣建主痛勦相持久不下賊遣人宣慰解他窪圍無何阿  
莽蒼復來圍他窪賊不得已出  
兵包圍拉卜楞寺則罪人斯得

案晉書載記吐谷渾西走慕容廆思之作阿干之歌阿我也干兄也斯語也

不惟鮮卑用之甘肅蒙番皆用之非惟蒙番用之中國人亦嘗用之如此案

阿莽蒼之阿字仍作我字解韻會小補阿音屋古詩家中有阿誰木蘭詩阿

耶無大兒阿妹聞姊來莫愁詩十六生兒字阿侯陸遜與全琮書卿不師日

殫而留阿寄李詩珍曰阿方言稱我也西甯人稱其母曰阿娘其舅曰阿舅

猶言我之母與舅也今京師及涼州人稱阿皆從沃音

林越所著西北叢談云在蘭州時聞張督軍勳昂言青海有拉卜楞寺

今改夏河

縣屬甘肅規制最宏清康乾兩朝特設此以羈縻番民者二百餘年來收藏之富

甲於各處喇嘛數千人近來其首領屢爲不法西甯鎮守使馬麒擬易之不

服遂叛騏派軍隊往平喇嘛聲言投誠張督軍不願投西甯事尙未解決近

日蘭州市面發現佛像甚多有銅製者蘭州市謂之葉子貨有布畫者色鮮明來自西藏據勳帛

言即係官兵進勦時所得之戰勝品勳帛所言拉卜楞寺首領殆呼圖克圖

嘉木樣俗稱爲大佛爺者也即有不法情事馬麒無更換之可能烈夫所記

係一面之辭不足信

靜甯縣中和火柴公司成立甘肅城鄉所擦燐寸其上焉者來自天津俱外洋貨次則山西諸省所製不足供社會之需用民國初巨紳馬福祥

周務學鄧隆等在蘭州河北創設光明火柴有限公司開辦有年頗著成效公舉鄧隆爲

正經理湖北周廷元副之民國六年廷元知靜甯縣事見民間引火之物多敲火鏢歷數

分鐘而始燃其小戶寒家往往借火於數里外困難情形不詳難述乃與紳耆磋商數次  
集股籌設中和火柴公司木料購自洪州疏黃取諸玉門甘省所無者派員至天津採買  
至是公司完全成立靜甯窮家子女拾火柴粘  
紙匣者日輒數百人藉以養家免致流離失所

案甘肅火柴公司共四處均係股分有限公司在省城北門外黃河岸北者名光明火柴公司民國四年創設基金二萬元出品有陰火陽火保險火等火柴木料取自青海之大通樂都一帶年可製銷七十餘箱在不涼者名隴東火柴公司十二年創設有總分兩廠總廠在不涼東關分廠在華亭縣城外年可製銷六十餘箱在天水者名復興火柴公司九年創設分內外兩廠內廠在天水城內外廠在縣東鄉甘泉寺出品為陰火柴年可製銷一千餘箱在靜甯者名中和火柴公司九年創設有總分兩廠總廠在靜甯縣城內分廠在岷縣城內出品為陰火柴年可製銷四百餘箱

案玉門舊志境內產硫黃其富質最佳肅州亦隨地有之然不及玉門之所出向歸陝甘總督管轄不許民間私採前清光緒末西甯鎮馬福祥以配火藥非硫黃不可呈請派員往玉門採辦總督升允許之又本草綱目石硫黃一名硫磺一名黃硫砂一名黃牙一名陽侯一名將軍赤者謂之石硫赤青者謂之石硫青李時珍曰硫黃純陽火石之精氣而結成性質通硫色賦中黃故名

慕壽祺曰蘭州市輒言抵制外貨然無大資本家組織各種工廠冒冒焉唱高調外貨一日不來社會即大起恐慌此勢之必然者也以火柴一項言之靜甯有中和公司蘭州有光明公司最近又有同生公司出貨日多銷路自廣然隴南甯夏西甯以及甘涼肅等處以道途甚遠販運維艱若拒絕外國火柴又無貨可以抵制奸商轉因之獲厚利其影響於社會者不更大耶

冬十月靖國第八軍軍長葉荃襲大水奪我南北二山

先是廣東軍政府迭次會議以北政府占黃河流域

地形高峻上馬精強南軍脆弱戰恐不利乃變易方針由雲南出師先取甘肅以蘭州為軍政府再由隴入蜀與滇黔聯為一氣然後出函谷關東向以與北軍鏖戰是為西北大

計劃人選問題雲南督軍官唐繼堯自定之繼堯請以葉荃為靖國第八軍軍長南政府頒發關防奉滇軍兩師由四川經過川軍不能阻過漢中漢中鎮守使管金聚小有接

觸不勝任其繞城而過攀桂料滇軍必走寶雞遺陸軍畢業生十餘輩星馳鳳翔一帶分途調查去後渺無回報是月十二日晚葉荃至圓嘴頭圓嘴頭者在天水水東鄉距八十里

葉由寶雞入渭水峽行數百里無人之地偵探員故不之知也次日圓嘴頭鄉士報稱昨晚所來軍隊均有漢中鎮徽章詢係劉存厚已至漢中派弁歡迎吳司令入川等語攀桂

聞之對軍官曰此必詐也東校場大礮十六尊火速運至城內一面下動員令豫備戰事一面會商秦州鎮胡立誠出示戒嚴請商團幫同守城正在布置間七里舖礮聲隆隆城

中人已驚破膽矣滇軍如飄風急州之賊至占據東郭人校場我軍退入城中胡立誠所守之隄崑山南郭寺同時為敵所奪斯時五城盡閉兩軍相持入夜偵探揭滇軍布告有

轉戰業經五省大軍所向披靡區區隴右張逆敢以燿骨當車等語用六尺官以魯公書法書之軍事倥偬中而此逸與令人可敬可畏

案礮字俗作砲潘安仁閒居賦礮石雷駭其最先見者矣李注礮石今之拋

石也然說文無礮字膾字注云建大木置石其上發機以礮敵是許氏以膾

考礮火末歷如  
數家珍胸中雪  
亮筆下風生少  
矣真無書不讀

爲礮唐書李密傳以機發石爲攻城械號將軍礮自後人有火礮之製俗遂  
從火作礮字非也火礮之用始見於宋楊萬里海螭船賦序云宋紹興三十  
一年金兵欲濟江虞允文伏舟於七寶山舟中發一霹靂礮墜水中硫礮  
得水火自跳出紙裂而石灰散爲煙霞眯其人馬之目金兵大敗然此乃紙  
礮用石灰以眯目非以礮子爲攻擊之具也礮之用鐵始於金名曰震天雷  
以火礮攻城始於元世祖得回回所獻新礮以攻破襄陽名曰襄陽礮明永  
樂年間平交趾始得神機鎗礮至嘉靖二年法蘭西機廣州指揮柯榮禦之  
敵敗遁官軍獲其礮詳見明史又兵志云法蘭西礮式以銅爲之礮之用銅  
始見於此前清未入關之前天聰五年已造紅衣大礮名曰天佑助威大將  
軍崇德八年又造神威大將軍礮康熙十五年又造神威無敵大將軍礮二



十八年又造武成永固大將軍礮近來秦西火器日新歲異而月不同中國舊礮胥歸無用矣

慕壽祺曰甘肅僻處西陸地又貧瘠與世無競人皆以小桃源稱而滇軍不遠數千里越境而謀我者以其居三輔上游耳况天水南通興漢東接汧關控關蜀之咽喉樹全省之屏蔽天水一失則以西未必能守而陝亂尤連勢而不復可制援川一軍當日天水一戰實於吾隴大有關繫其所保全者甚大功不僅在區區一隅也

援川軍司令吳攀桂會同秦州鎮胡立誠奪回隗囂山

即秦州之北山南山亦收復三

日夜攀桂召集大小軍官在司令部開緊急會議以滇軍突如其來占據南北二山而北山距城咫尺勢若建瓴敵以礮射擊秦城危在旦夕秦州甘肅門戶存亡之樞機若失秦州則甘肅全局即搖動矣諸君有何良策保此一方或曰滇軍遠來利在速戰我但堅壁清野以守之敵無糧自退或曰事急矣曷不學孔奮守武都仰攻山頭以敗參狼羌故

事或曰速向省城求救得一部分生力軍夾而攻之必獲勝利或曰聞鎮標營長蕭發榮  
驍勇絕倫兵多狹河人速調回以助戰或曰秦州係胡鎮防地我軍不能勝可退  
昌徐謝恢復攀桂均不答有一下級軍官起而言曰秦州之險在北山敵軍據北山礮臺  
足以制我死命現在救急辦法惟有攻敵之背出其不意或能以敗為勝因喪立功若尚  
北山嶺南山不戰而敵自退矣攀桂首肯者下令於所部七大營內選敢死士百人拂  
曉時出北城繞道北山後窺土人作嚮導距城十里以外由羊腸小徑猿攀而上約十四  
日午後會攻北山之背以鳴槍為號同時竹候佳音怪無聲響軍心惶恐敵軍復架雲梯  
攻城甚急五城吳聲震動天地東關教堂已懸白旗秦州鎮胡立誠率防軍五百名出城  
會攻北山我軍以大礮掩護之斯時雉堞之上萬頭俯攢兩軍相持不下忽霹靂一聲自  
北而來對視礮臺山立我赤轡滇軍紛如鳥散頭顱斷落於萬丈之山肢軀判解於重巖  
之上我軍所去敢死士百人猶酣戰未已足役也奪獲器械無算俘虜滇軍軍官三十九  
名谷靜山卒但見人影時則十四日中刻也南山敵軍聞北山已失於是夜退至七里鋪  
案秦州新志詩山在州北一里上有礮臺連城遺址宋吳璘嘗置寨於此以保秦隴俗呼  
為皇城又名礮臺山山麓有北魏崇甯寺礮臺官所改而成者也杜詩秦州城北寺傳是  
礮臺官山上下作田疇土人耕地往往得瓷器名曰漢  
瓷山嶺有礮臺為秦州鎮守使防地此次為滇軍所奪

暮壽祺曰我軍遣敢死士襲取皇城即礮臺山別名約以日中為期亦樹赤幟為標記屆時寂

無聲響於是主張退兵者私相怨望字謂葉荃曰香石善用兵我軍恐無一

野蕪蒼天  
水之  
戰一  
純從東  
脫胎而出

覆川一軍吳松  
山鎮使統之民  
七多天水一戰  
實於全甘大有  
關係故雖南種  
民至今頂戴不  
忘彼時余與曉  
事當御亦嘗我  
事不聞聽者其  
夢甚平是罪非  
倒殊可歎矣

人生還者及其成功也

晚四鐘始奪  
回陝驛山

則又以出奇制勝轉危為安相慶賀嘖

嘖焉如出一口凡民可與樂成難與圖始大抵皆然矣段祺瑞加入歐戰所

見者遠而其自信之堅亦豈浮言所能搖動也耶

附錄舊作天水戰事歌其詞曰木葉蕭瑟秦城夜時丁戊午九月秋陡聞城

南羽書至主將傳喚詢來由滇南軍士好身手一夜奮集團嘴頭誰其帥之

葉香石年未四十才氣道煌煌布告字如斗組新政府古蘭州區區張公復

何懼統一西北據上游天水地當經過處折角抗胸阨其喉朝發帥令森戈

矛猛驅虎豹屯貔貅彼軍盈萬鳥獸散一步何曾險鴻溝主將賴有吳延陵

胸次崢嶸富奇謀戰三晝夜不一休北山南郭次第收轅門紛紛日獻捷勇

土手提血骷髏我亦書生學殺賊有時前席借箸籌兵訣制勝不在多要在

同胞復同仇自古軍事成功者地理指掌須詳求漢南距隴萬餘里論勢非  
僅風馬牛緣途甯無攔子軍未必走挺同猿猴南軍西來襲天水度學函谷  
夜深偷峽穿寶雞無人覺豈等尋常用兵情是時蘭垣風鶴驚大吏惶恐蒼  
黔愁隴南向稱富庶區前者流寇躡且蹂又遇勅敵來相攻人民難保無虞  
劉天於此焉助厥功將軍來如亞夫周轉危爲安敗爲勝賞功事後宜從優  
云胡驚魂定衆口咻功雖高命不猶朋共媒孽勝利叢愆尤眼前是非地  
天黑身外名利浮雲浮酒酣話及天水事聞者往往淚紛流蘆臺田固所  
願鴻飛冥冥百無憂橫行男兒曾戰死擒獲俘虜尙拘囚豈無證據成事實  
彼皆認爲蜚氣樓延陵一去年已八劫餘蒼黔誰復鳩君不見未央鐘室准  
陰侯鳥盡何不五湖游又不見吳公保城文字留史筆凜然韓蘇歐

葉荃退至馬跑泉

十五日清晨滇軍反攻秦州人如疊山矢雨飛屋瓦皆震聞者變色我軍營固守槍不輕發未初滇軍忽退軍官欲追之主將吳攀桂曰葉

荃善用兵其收隊從容在後必係精銳其槍械勝我軍十倍諸君欲躡其尾成政利鈍非所逆觀昨夜已遣兩營駐秦安縣要隘以防敵軍襲我之後路兵力已分設有挫折不徒

亡身為國取恥豈非畫蛇添足乎乃止午後七里舖居民檢獲滇軍捷音報一束蓋葉荃緩帶輕裘有羊叔子遺風雖在槍林彈雨中日有報紙俾軍士知南方近狀及隴右情形

明日馬跑泉紳耆報稱葉軍長已帥所部向鳳翔進發瀕行貽手函一封囑呈吳司令內言滇軍團長趙某在秦州南郭寺中斃身亡請將屍身棺斂暫寄蕭寺被俘下級軍官請

照戰時國際法從優待遇所需飲食衣服醫藥等費將來由南政府歸還云云同日又據七里舖紳民報稱滇軍退却時有少數軍官主張取蘭州蓋新近少年謀多獲甘肅婦女

珍寶藉營私計不肯虧一簣之功葉軍長曰君等見其利未見其害也秦州天險利在速戰彼既嚴守勢難卒拔我軍若由秦安通渭一路取定西以攻蘭州定西為我所得留兵

駐守則糧運不繼四出抄掠則與寇盜何異歷日既久蘭州遺生力軍守噤口甘草店隴東陸洪濤軍隊由會甯攻我定西雖欲西走鳳翔其可得乎吾意已決倘再阻撓者槍斃

案葉荃為革命軍健將其由秦州退卻時兵士帶傷者患病者老弱者隨鑄重先行留精銳者殿後所謂收容隊也深得古人用兵之法矣兵之將與兵意已動統兵者當從容以

安之若倉皇出走敵謂吾怖而來相襲必敗之勢陸遜與魏兵戰吳兵士多病將退謂諸葛瑾曰施設變術然後出且荃也其庶乎

慕壽祺曰中山以南軍進取湘贛之不利乃變計攻略關隴因之而有戊午秋葉荃天水之役焉初劉存厚之督川也熊克武引滇軍以逐之劉奔漢中乞援於甘吳攀桂帥軍赴

援出屯天水唐壽堯全渝令葉荃引第八軍驅天水暗渡陳介故習取問道進略關隴葉乃由巫山渡江出石泉紫陽繞道漢陰佛坪至號鎮溯渭以上欲出不意攻克天水以為根據地再與關中民軍聯合上窺蘭州取建缺之勢直趨關中東出渭洛會師武漢近關中原傳檄河北天下大勢可定其謀亦壯矣故卒之狼狽而還信乎成敗利鈍非人所能逆視也然葉荃退至馬跑泉即以天水之敗通電全國非所謂善敗不亡者耶

十一月以吳肇桂為陰平鎮守使肇桂本淮軍宿將自戰敗葉荃中央知其可用直接來電語多獎勵又詢問隴南近狀督軍張廣建恐其

有野心將不利於己也請補陰平鎮守使陰平地僻與川邊連其地不通電報使與中央隔絕

案陰平即今文縣漢置陰平道屬廣漢郡三國時曹魏置陰平郡晉因之永嘉後入氏改建陰平國隋義甯二年復置陰平郡唐宋改文州明洪武四年改州為縣

幕漢謀曰大淮以北地之要害莫過乎秦而周轍未東以前秦之都會在今天水其地東有蘭河南有漢中西有巴蜀北有代馬自古用武之地也史稱秦地剛決斷絕修習戰備

高尙氣力故其詩有王于興師修我甲兵及車鑄鐵諸篇隴南設鎮守使莫秦州若此固人所共知者也不此之設而僻在陰平政府用意高深令人莫測

十二月裁甘州提督缺改為鎮守使以馬麟署理前清初甘肅提督原駐甘州康熙十五年川賊犯秦州移駐蘭州

七年賊平提督張勇復自蘭州移鎮甘州二百餘年特為重鎮民國元年馬安良補甘州提督因公駐省未能之任以其部將馬麟代行職務至是安良病卒督軍始裁提督缺改

承認共和之境留證時代 民國

蘭州懷華印書館出版

爲甘州鎮守使  
仍以馬麟署理

### 警務處處長鄭元良初設消防局於省城

元良山東人由督署軍需科科长任甘肅  
全省警務處處長任職後劃分警察俄限

專以保衛治安爲宗旨各縣警佐不得干涉政  
人煙稠密商貨歛盈每被回祿之災乃設消防

治滋擾民生輿論翕然稱之至是以蘭州  
之隊城關內外倘遇火災警察官指揮動

作須神速機敏先以城樓之鐘作爲警鐘遇災  
懸燈俾一聞鐘聲分別旗燈顏色即知失火地

段巡長巡兵均須馳赴救護其最宜留心  
照顧者一老人小孩婦女及病者須加意保護

幫同搬運二火患近身尙搜取家財者應速令  
人看守五搬運財物時於羣衆雜處須嚴查有無

遠避四搬出家財應令置於安穩處所令  
失火應先搬運卷宗簿冊加意照管勿使殘缺

實力從事不得束手觀成具文至於火熄之後  
間傷人與否由該管巡官逐一查明詳細繪圖

稟報總局此外又增設馬巡隊馬巡與步  
巡同爲稽查守衛務使地方臻於安靜遇有犯

暴安良爲要旨馬巡應在步巡較少及距城較  
風雨不<sub>能</sub>下馬

遠或步巡力不能及地方輪班梭巡無論  
入民房避之

入民房避之

慕詩禮曰甘肅警署人員非經二月訓練即由各界推薦敷衍塞責視爲具文其所由來  
者漸矣其政漸小也聞認爲前清保甲局接收制訟視同初級審判廳經鄭元良劃明權

阻越俎代庖之弊吾知免矣但其中人類不齊其或擅逞不飭藉端苛索者時有所聞將以保民反以擾民是豈國家安設警察之本意哉

其壽祺曰民國七年正月甘肅服從政府者是一番太平氣象而湖南岳州南北軍開戰蓋自北方督軍團恃勢恣橫逼令解散國會黎元洪不安於位宣告下野於是馮國璋始繼黎後而為總統出而收拾政局西南各省又擁黎以抗北方風雲緊急矣在此四海騷亂中馮為調和各方而下停戰令此令一出反足以促南北形勢之危急當是時四川督軍劉湘惟督軍團之命是聽馮以其不服從也促前督劉存厚入川令甘肅援助南政府實行大西北主義遣葉荃統兵入甘先取蘭州為根據地聯合新疆陝西不意行至秦州為吳肇桂所阻計劃又失敗矣



甘肅通志卷二十九終

甘肅通志正編卷二十九終

